

禹縣縣志

侯慕彝題

禹縣志卷二下

大事紀下一

清世祖順治二年以禹州隸河南開封府領縣一密命馬

汧朱知禹州事 武剛屠城後無一人跡汧朱單騎至禹

即故懷慶王邸居之自操井臼以供飲食招集舊役僅

得七人身率斬闢草萊掩道路白骨程四盈等殺掠如

故申請上官縛送梟示盡斃餘黨邵鳳祥宋九隆等於

杖下宋希隆獻媚偽官殺舊州判立置之死境內肅然

道光朱志 按朱志順治間戶僅七百三十五口一千

四百一十三 潼關道史應選過禹州城有感詩云箕城

風清日煙霽已盡開市廛尚存碑夾路長蒿萊茂草荒

狐兔鹿鹿青燐鬼夜啼看車聲嗚咽羽雁初回劫後景象

見可

三年詔禹州田賦免荒徵熟

八年分巡大梁道佟國鼐誅土寇張揚於市 揚自李自成陷禹後擁衆自雄為暴十餘年就禽未決國鼐至鞫

審擬大辟磔之於市

舊志及禹州紀年

按豫變紀畧

揚裕州人土寨諸渠惟揚尤殘暴

無人理附於流賊羅汝才盤踞葉裕舞陽之間土人苦之乙酉後投誠以副將家居猶恃衆橫行裕州王參將與諸紳士告巡方者巡方密奏誘而禽之繫於獄三日並其子及惡黨數十人斬於市裕州乃平與舊志異或揚就禽而戮於禹歟抑禹裕同音傳聞之誤歟今其墓在禹西塢頭墟村碑猶書總兵銜土人呼為劫墓賊張云

十三年分巡大梁道沈荃擊劇賊董天祿平之 羣盜董

天祿牛光天聚衆千餘剽掠許潁間勢張甚荃至則練

卒除器懸購賞飭軍令遣中軍王福為前鋒而身自督

勁兵繼進殲其渠魁餘賊解散巡按御史以功聞

邵長蘅沈

公神道碑

平竹園盜 禹州四十里外有竹園叢篁密篠陰翳數里

盜窟穴其中劫商賈殺而埋其屍荃遣吏卒收捕發土

得屍纍纍十餘盜具伏悉按誅之

邵長蘅沈公神道碑

聖祖康熙元年詔裁分巡大梁道缺 以境域安阜無所

事也忠武營守備標兵俱裁止留防禹密千總一員馬

兵十名守兵五十名

禹州紀年

以密縣改隸開封府

六年秋九月巡撫張自德獵於禹

禹經大亂山遂菁密

寂無人煙時有虎跡自德數來田知州史廷桂聞而賦
詩曰聞說今年獵依然又夏臺守難驅虎去將自臂鷹
來有項還愁縮何顏得笑開雞豚知早盡麋鹿未須哀
竟鬱鬱以死諸生不忍歿其事乞學正吉祥志之明倫
堂碑陰

十五年潁川里劉順妻一產三男詔賜乳母粟五斗帛十

匹乾隆
邵志

十六年春詔荒田升科知州高良弼令民自首

亂後田

荒部檄勸墾來墾者多密人軍興詔升科戒隱射令嚴
甚良弼編式令民自履畝而首之莫敢欺有個人許田
至王生欺隱府檄下丈之三弗及原首額許者乃伏罪
高公實
政碑

地震

二十八年夏旱知州劉國儒率禹民運軍米古北口以

征噶爾丹故

禹州
紀年

詔賜老民絹帛粟肉禹民趙文楊柱曹一全等蒙賜有差

舊志

二十九年旱五月有黑氣見於東郊至城北散所過草木

發屋

八月戊戌隕霜殺稼年饑舊志

三十年旱蝗大饑舊志

三十一年春旱夏無麥舊志

三十四年大水舊志

三十五年旱蝗舊志

三十六年夏地震六月大水八月蝗舊志

四十七年旱蝗舊志

四十八年春大饑夏有麥大疫舊志

五十二年大旱麥種不入舊志

五十九年知州李朝柱運軍驟浦灘河 朝柱著有于役

草禹人為繪出塞圖紀其事舊志

六十年三月老民董祚蕃祝帝萬壽獻方物 祚蕃同河

南各省老民進洪福齊民萬壽幛各獻方物一百一十

種恩賜黃絹壽衣一襲喜銀四兩舊志

六十一年大旱秋無禾冬大饑詔免田賦舊志

世宗雍正二年升禹州直隸州領縣二新鄭密清一統志

六年三月隕霜殺麥舊志

十二年以禹州移屬許州府清一統志

十三年夏五月潁水溢壞城舊志

九月詔賜老民絹綿米肉禹民石國瑞任國樞曹文秀等蒙賜有差舊志

十二月詔賜老婦絹米禹民劉謝氏黃劉氏張郭氏等蒙賜有差舊志

高宗乾隆元年春饑

六年以禹州移屬開封府附學政試於鄭州乾隆府屬州縣志

八年春饑夏旱施大雨

十三年春旱饑

十一月征大金川兵過禹協辦軍需禹州紀年

十四年春大金川平師旋過禹

十五年春三月大雨雪烈風發屋拔木秋旱麥種不入禹州紀年

十七年春饑夏大水秋有蝗舊志

二十年夏地震舊志

冬十一月囹圄空 知州王秉剛率僚祀獄神令士民縱

觀禹州紀年

二十三年春大饑夏大旱疫舊志

二十四年春旱七月大雨潁水溢禹州紀年

二十七年春三月起藥市於西關 先是藥市設於密縣之淇山廟十三年州判何宏纘招來商人設於禹之南

銜後因兵亂始遷西關

三十二年夏四月征緬甸軍過鄆協辦軍需禹州紀年

三十三年秋協辦征緬甸軍馬禹州紀年

三十四年春正月協辦征緬甸軍需禹州紀年

三十五年春征緬甸師旋過禹

三十六年移清潁驛於石固鎮

太后八旬詔免本年田賦禹州紀年

四十二年夏大旱秋無禾大饑禹州紀年

四十三年夏無麥秋有年禹州志

四十八年夏旱禹州志

四十九年旱舊志

五十年大旱舊志

五十一年大饑舊志

仁宗嘉慶二年春三月楚匪由裕州至舞陽副貢馬時芳與知州籌守禦 賊至舞陽時芳奔告知州郭公失其名劃

策同守郭公守城時芳圍練守鄉結豪強糾丁壯申條約立信符習擊刺步伐夜舉烽火於三峯山人心翕然或謂時芳曰人久不習兵今君猝為此舉其能勝乎時芳曰勝豈敢言但張皇聲勢使賊莫測冀幸其不來耳初有梗議者百方解沮及見人人踴躍聲勢齊一則又

暗流蜚語時芳聞之竊懼會賊由裕州沿山西竄急罷

遣之挑燈詩話
東華錄

五年夏六月白蓮教首劉之協倡亂於寶豐署知州熊之
書駐防張得鎮之協故白蓮教首倡亂寶豐之雒陽從
者千餘人掠及邠欲與陝楚教匪應之書奉檄防禹署
州時訛言朋興一夕數驚鄉民爭避入城城門晝閉弗
得人勢且洶洶舉人連雲鵬上書知州畧曰事變之來
勢各不同而吾所以應之者各有機宜果屬寇在境內
防守自宜嚴固豈宜四門洞開明明虛驚緣何不為鎮
靜以俟其自息而反張皇以助其勢耶明日又上書言

鄉民入城時宜令各甲地保偕役首門各識其甲之人
遇有地保不識形跡可疑者立詰之之書均允其請之
書治團練駐西南張得鎮防賊北竄邀馬時芳參其軍
未幾大軍合剿寶豐教匪悉就殲亂平禹卒無事連雲鵬松

岸遺稿馬時芳
垂香樓詩稿

六年星隕於三磴山舊志

十年秋七月地震舊志

十七年春淫雨傷麥秋冬大旱

十八年夏大旱大饑人相食是歲麥禾皆無七月中旬

始雨盡種蕎麥九月大霜蕎麥盡枯途多餓孳肉無幸

存盡爲饑民刮食市有詐稱牛馬肉售者

十九年春大饑署知州陸有恆勸富室捐銀施粥夏有麥

孫九同考
志記見

二十一年署知州陸有恆加漕價禹民訐於上官幾罷耕

市乃止

孫九同考
志記見

二十二年三月地震

二十五年夏地震秋又震聲如雷

舊志

宣宗道光七年春地震夏大水

舊志

十年春旱地震有聲

舊志

二十六年春旱秋大風傷稼

二十七年春饑夏有麥

文宗咸豐三年正月紅霧彌日燈燭無光明日乃霽

六月粵匪陷新鄭長葛禹州大震 賊陷長葛西犯邊馬

及東關南走襄城大肆焚掠民悉竄入山

四年秋九月署知州朱光宇以加賦激民變殺聯莊會首

劉化鎮及其衆

自粵匪去後巡撫檄州縣治團練紳民

議舉聯莊會而以各里大戶主其事會大戶因事袒富人化鎮責大戶平反之各大戶請退羣戴化鎮爲首駐紫金里之高廟先是禹州糧漕兩銀納二千六百錢斗米納六百五十錢平時銀賤餘錢盡官中飽名曰平餘

軍興銀價驟貴平餘遂少知州程佶藉兵徭名兩銀加三百四十錢斗米加二百餘錢衆相持弗納程佶去官朱光字署州光字者健吏也十九日化鎮岳三教等率衆詣官請免浮收弗許衆憤遷怒官左右毀司閹張某及西關田子昌室光字聞變偕營汎督兵勇自北門逐出追及潁北校場衆再請光字仍弗許衆大譁光字飭兵拏有趙荏者持兵徑前爲光字擊斃化鎮乃率衆去屯城東張良洞光字上變請兵勦言禹民抗糧也巡撫英桂檄開封府知府王建泰前獲嘉知縣王萬齡督兵來化鎮爲衆制遂圍城聞兵至逸去光字追殺三十餘

人焚高廟化鎮奔密超化鎮光字會密令胡燕清捕之化鎮自經死擊斃武宣文王化純等十一人先後禽王自修等十餘悉殺之或釘城門以死剖化鎮棺戮其屍

家產籍沒

豫軍紀畧及採訪冊

冬十月詔嚴懲聯莊會首犯禁州縣浮收

五年二月糧漕復舊規

詔巡撫英桂追勦鄭州密縣禹州匿匪 正月十九日聯莊會餘衆李賢袁西成等聚密縣大驄鎮胡燕清督弁兵往捕外委王青山中伏死初衆以劉化鎮之死怨燕清及是益憤是夜分黨焚密署殺燕清妻比燕清歸衆

已颺去攻鄭州知州黃見三郤之事聞詔曰密鄭密通
省城突有土匪竊發何至如此披猖據府縣稟又無起
覺根由顯係地方官辦理不善意存諱飾著英桂查明
具奏英桂檄開封府知府趙書升禽殺袁西成李賢等
百數十人衆散走上聞詔追勦鄭州密縣禹州匿匪趙
書升分兵搜勦禹西方山大雄山焚其巢東華錄
豫軍紀畧
聯莊會攻城 聯莊會在密受劄岳三教張成等歸禹益
仇官結襄城聯莊會次黃岡店知州朱光宇遣勇禦之
潰歸衆乘勢攻城光宇與訓導袁鳳三率衆禦諸西門
會趙書升兵至光宇啟門出擊武玉馬永清戰死飛彈

傷光宇頸斃百餘人衆西奔光宇追及順店之東衆大
潰半赴潁水死餘衆盡殲之趙書升留兵五百鎮禹州
按察使余炳燾督兵繼至事已平嚴緝餘衆諭聯莊會
各保其鄉未幾張成岳三教就禽傳首犯事地方

五月詔解散聯莊會

七月角子山捻寇犯神屋 賊多南陽人自名其黨曰捻
子以裕州之角子山爲窟穴捕急則星散少緩伺隙出
劫未嘗及遠禹襄聯莊會既敗乃潛引以來畧人取贖
金遇官兵前驅使當敵其黨日熾縱橫葉魯山寶豐汝
郟諸州縣由郟北迎恩宮犯神屋聞郟令以鄉團扼其

南夜竄去

郭景泰擒
匪紀事

六年旱蝗

八月角子山擒寇犯禹州

七年四月角子山擒寇犯神屋 賊至二黨李中顯李泰

春等率其黨數百人犯神屋外委姚中道擊之被傷知
州程佶襄城營都司瑞林率兵合擊賊走汝州佶請兵
勦巡撫英桂檄開封營守備程金陞候補知縣金寶符
以兵四百至禹州

六月角子山擒王二黨犯禹州按察使周士鏜擊之於
雞山敗績 士鏜由汝州追賊至神屋賊依山東走值霖

雨山徑淨甚士鏜督兵冒雨進次城北蔡寺賊北據雞
山置伏山下秣田中踞山大譟士鏜麾寧夏兵奪路登
山遇伏前鋒盡殪賊自山下擊官兵大奔賊追踰引吾
橋南乃還靈州營把總杜仕珍死焉賊北走風后山士
鏜檄候補知州李徵松督兵追擊候選主簿蘇雲龍東
河主簿彭希齡復戰死賊益張士鏜請益兵時巡撫英
桂駐潁州諸監司以禹去汴近懼根本撼動請巡撫疏
調署延綏鎮總兵龍澤厚副將閻丕敏以陝兵一營分
赴新鄭禹州與士鏜合擊風后山賊始去

秋七月王二黨踞大雄山詔巡撫英桂擊之 賊自風后

山西走登封汝州復回竄禹據大雄山英桂上奏曰大
雄山踞匪裏脅日多項自禹州新密迄登嵩洛陽境均
有匪蹤往來靡定恐蔓延西路動搖山陝且以臬司周
士鏜所率本省官兵僅二百名寧夏官兵龍澤厚所率
均客兵不相統屬事權不一請將三省督勦事宜暫交
副都統銜勝保親率所部赴禹密一路督勦詔允其請

賊旋走汝州寶豐

豫軍紀畧

冬十一月汝州土寇蕭況犯禹州踞風后山 賊由汝州
風穴寺犯禹依具茨山東走踞風后山馬賊四十餘人
步賊十倍之德楞額置伏山谷中以騎兵鈔擊賊東走

伏發潰走密縣轉走禹西之大雄山德楞額追敗之佛
山又敗之柳架山知州程佶禽其渠李龔子王雙印朱
成李二等二十二人蕭況逸去

九年二月二十日皖寇孫葵心犯禹州 葵心自正月倡
亂安徽之太和糾衆三萬人颺言出陳州會周家口西
掠禹州南陽鎮總兵邱聯恩禦諸沈邱不得西至是由
舞陽北舞渡北犯烽火及張得鎮民悉逃入城

余燮揀匪紀事

及豫軍紀畧

冬十月皖寇犯禹州 賊由洧川長葛犯禹南及襄城

豫軍

紀畧

十年三月二十五日晚寇劉狗犯禹州 賊由新鄭密犯禹馬步數萬人屯羅集順店花石諸鎮四出焚掠殺四百餘人擄脅無數三十日參將黃德魁追及白沙敗之菱角砦賊走汝郊先是綠營總兵張某駐西關聞賊至遁走襄城賊去陽託逐賊返禹大掠由是民畏兵甚於賊

余燮捻匪紀事及豫軍紀畧

十一年十月晚寇姜太林犯禹州 賊至郊敗鄉團薄城為知縣王延焯擊退欲窺河洛聞各隘有守兵居民咸入堡野無所掠乃東犯禹陷閭砦東走許州

豫軍紀畧

穆宗同治元年七月晚寇姜太林犯禹州 賊圍許州為

參將楊飛熊擊退由禹郊間西走汝州

豫軍紀畧

二年七月晚寇張總愚圍禹州 賊由許州犯禹二十八

日攻小呂北寨陷之明日攻呂祖閣寨未破遂圍城知州馬傳和晝夜嚴守巡撫張之萬檄總兵張曜追賊過其人秦自督親軍駐許州八月初四日賊西走登封詔曰見在長葛禹州邊境均有賊蹤張曜見擬派馬隊跟追並親率步隊由北面取道山徑繞越賊前會合馬隊著即奮力截勦痛殲醜類

豫軍紀畧東華錄余燮捻匪紀事

二年正月晚寇張總愚犯禹州 初七日賊由襄城犯禹明日自呂祖閣渡潁攻岡頭李寨陷之寨貧無所得火

其屋棄去至黃臺宿焉追兵駐泉店畏賊不敢前初九日賊至水磨河留三日大肆殺戮東走長葛余燮捻匪紀事

四年十月朔晚寇張總愚犯禹州 賊由邨犯禹至張得

鎮夜踰三峯山屯梁北初四日前安徽按察使張學醇總兵宋慶追至賊北走官軍逐之返邀官軍輜重學醇急令立營駐郭村初六日賊屯古城寺四出焚掠殺戮甚衆初九日夜學醇令都司張魁元蔣尙均等選勇士五百劫賊營學醇與宋慶保英等繼進月光漸落火器齊發賊倉卒驚亂官軍禽斬甚多賊北竄長葛新鄭張魁元死焉豫軍紀畧余燮捻匪紀事

五年二月十二日晚寇張總愚犯禹州 賊由許犯

喻王村十四日由梁北西北趨宋慶率兵由城北八里

營西北追出境豫軍紀畧余燮捻匪紀事

三月初九日捻寇王黨犯禹州 賊自長葛犯禹至山貨

廠民先入寨野無所掠又以防守嚴密寨難破十一日

復走長葛余燮捻匪紀事

七月初四日晚寇任柱賴汝光犯禹州 賊自長葛犯禹

復東趨許州盤據許禹間攻掠諸寨堡初七日陷唐窪

寨初宋慶馬德昭南追張總愚巡撫李鶴年因禹許告

急檄馬德昭回援賊方攻黃岡店寨德昭軍適至斬賊

三百餘人禽賊酋劉太清誅之初九日夜襲梁北寨已緣梯登守者覺斃賊十餘人乃去初十日南走襄城詔曰賊由許禹竄至襄城邾汝一路門戶洞開毫無準備馬德昭一軍勢難兼顧著曾國藩迅飭周盛傳潘鼎新等督飭諸軍實力追勦毋任該匪西竄

豫軍紀畧東華錄余燮捻匪紀

八月皖寇張總愚牛落紅犯禹州 賊在汝州爲馬德昭軍擊敗遂東犯禹依北山東去詔曰該逆屢經敗挫其膽已寒正可乘此機會痛加勦洗著曾國藩李鶴年分飭湘豫兩軍協力追勦迅將此股逆匪盡數殲滅毋任

再行奔竄

東華錄

六年五月初三日皖寇任柱賴汝光犯禹州 賊自襄城許州犯禹張曜追至潁橋石固賊屯呂祖閣火光燭天遇人輒殺不復取贖金蓋以人皆入寨無所掠食故洩憤焉初七日大雨欲攻呂祖閣寨不果明日東北走新

鄭

豫軍紀畧余燮捻匪紀事

九年六月潁水溢

德宗光緒元年夏旱

二年大旱

三年大旱夏無麥秋無禾冬大饑人相食

四年春大饑三月雨粟大風色赤風過雨秋有禾
十年秋七月西北大水

十三年秋八月二十六日訛言大水至 八月十三日河
決鄭州合賈魯河入淮是夜驚告河水至爭奔避高阜
黎明始止

十六年夜多燐 每夜徧地火光遍視無迹民相驚以盜
至合境戒嚴

二十四年夏五月雨至於七月城南大水

二十五年春三月妖婦魏王氏謀亂伏誅 王氏自名得
道以白蓮教惑衆謀據羅漢洞爲亂署知州徐佐堽往

捕遁去獲逆籍焚之王氏及其黨連某走保定就獲伏
誅

秋旱無禾冬饑

二十六年春正月十九日大風晝晦夏無麥秋旱冬饑

二十七年夏無麥

宣統元年秋七月蟲食穀

三年冬土寇起 八月革命軍陷武昌人心思亂土寇蠶
起流言均產日肆劫掠從者益衆官吏惴惴莫敢捕緝
商治團防招勇二百人爲守禦計十一月賊掠白沙鎮
十二月二十四日陷劉家寨其他被劫者凡數百家

禹縣志卷二

大事紀下二

中華民國元年正月初六日土寇劉安張有踞牛金山團防勦之不利 去歲武漢兵起土寇竊發城設團防以趙青山爲隊長劉安踞牛金山青山率勇擊之遇伏幾殆死七人其弟青雲在襄城聞敗耗急至入椒椒坪寇巢駢誅之載首滿筐傳獻之官

二十日劉安圍馬跑泉寨趙青雲擊走之 馬跑泉兩寨並峙於玉泉山兩峯劉安圍之寇據高地下無可蔽時煙霧漲天咫尺不辨人面青雲銜枚直上距寨近遽發

數礮斃數寇大呼趙某至也寇出不意如自天下皆驚
潰青雲卽奪得地利寨中恃有救亦益奮發夾擊寇之
枕崖藉谷而死者所在而有

二十八日寇踞賈樓 國體初改人心皇皇不逞少年皆
思弄兵爲寇大小桿數十磨聚賈樓包爐等村白晝劫
掠居民皆避入寨

二月初四日劉安陷方岡寨 劉安自馬跑泉敗走乃南
糾汝寇李鳳朝杜起賓諸巨寇千餘人陷方岡三寨勒
東爐寨輸二千金免

初五日寇圍萬寨

初六日北洋陸軍標統吳鴻昌率兵救禹 方岡旣陷禹
城瀕危官紳交電請兵臨時大總統袁世凱飭鴻昌由
洛抵禹駐潁濱經舍解萬寨圍劉安聞兵至棄方岡陷
尹岡寨西竄

初九日吳鴻昌克胡盧套誅劉安 胡盧套在西南翠山
中爲寇老巢鴻昌督兵破胡盧套及協和寨禽劉安趙
保亮王金明史太娃誅之搜殺黨羽數十名抄獲贓物
十數車禹略救平

設自治團 王琴林陳嘉桓方碩彥趙國瑞等與各甲大
二三百集議大兵駐禹伏莽不作一日兵去寇必復起

非合力自衛不能清盜源維治安且各里倉穀日即朽
腐徒資盜糧不如糶穀購槍與辦民團移緩就急斯爲
上策衆皆然之由是十里各設一團每團養勇五十名
三月王琴林陳嘉桓方碩彥趙國瑞等上書大總統河南
都督乞師平寇 吳鴻昌駐禹禹暫無事西南汝魯寶
邾寇益猖獗一日無兵寇必東下專憑民力不足禦寇
乃上書大總統及河南都督統論西南寇勢其書曰聞
一體也官骸之痛皆徹心腹潰肉不盡莫長新肌今我
民國肇建矣共和政體麗日中天而民氣日益民德日
損誠可恥也意者天佑中華自出其變亂以造人才而
老英雄故政黨土匪交開肆逞琴林等至愚不敢忘陳
政見敢言土匪一事他省漸定惟豫方張一髮而引千
鈞涓滴乃成江河自古變弭於所矜禍發於所忽一喜

一懼可安可危勢無中止理難模稜其或玩匪謂匪絕
不難制者誣也其或畏匪謂匪竟不易制者亦妄也琴
林等至愚敢昌言曰制匪以緩聽之以地方之民雖終
古大亂可也制匪以急責之以國家之兵雖指日削平
可也豫匪集重西南諸府屬吾禹其波及也禹匪亦集
重西南諸里甲近城其波及也今日制匪當統以匪之
首尾出沒之地爲範不得以禹爲限當統以匪之究竟
爲歸不得以現在爲辭自客冬至今匪日以猖大股攻
寨小股劫入以至校無絃誦野無耒耜工皆封肆商皆
閉市山不招隱林惟藪奸村冷炊煙店墟落月百業盡
荒以何爲生則匪已病民今民盡糧入寨盡人分食目
前暫可爲活嗣後何以相保現近穀糧雨不能播種遲屆
麥秋不敢護田匪將不耕而食民惟坐以待斃則匪且
病歲國際交涉人畏其難而癡人妄想惟發洋財今天
主福音寺堂林立設有揭竿而起必仍拳匪故智瓜分
常談向不欲聞強鄰責言當非過慮則匪既病內亦將
病外捻匪之禍已數十年父老傳聞猶若談虎以今比
昔當爲積薪蓋捻匪但屬過客或數年一來亦百聞一
見而今匪皆土著故終日戒嚴亦到處設備即邇日兵
變踵聞疊見然兵或自謀歸囊飽即處去而匪則鵲巢

奪居免窟營老凡所盤踞驅民自主一有攻圍委民自
藩又匪之變無不會會有不匪匪以會為後盾會以匪為嚆
矢匪之變相易知會之藏身自固清濁不分隱顯互倚
民有舉動匪早探知機之不密害則已成故匪之於民
譬之附骨之疽毗山郡縣向皆匪區汝魯邳寶為南路
嵩登鞏偃為北路今北路散矣南路益聚汝河兩岸民
無噍類正如蠶食次將及禹匪之在汝猶分小起匪之
入禹必合大眾頃買樓方岡蚤見兆矣若待羽毛豐滿
保無一洩千里會黨蔓滋皆其聲氣大江南北三合哥
老大河南北在團小刀不幸言中何堪設想故匪之於
國譬之養成之癩今勢迫於稍縱即逝而情緝於徒喚
奈何雖上有守望社之檄下有聯莊會之盟巡警屢經
加派巡防不違奔波制匪之法卒百試而不一效夫及
今而猶不能制必失時矣狃此而竟不敢制更失算矣
蓋已成國難而任民之力已屬變局而治以常道於此
而求必濟則政府安用軍部為也周瑜有言願得精兵
三萬進往夏口保為將軍破之今止願得精兵三千度
禹而西則匪不足平也昔羸祚已絕楚漢方爭新室既
亡隴蜀後服玉步雖移干戈不息史有明例豈能遽逃
今或以蠶蠶不靖妄測朝綱不知破壞建樹非截然為

終始也建樹之期仍不免有破壞之事所慮羣雄割據
或致動需歲月今豫匪之技止於為盜作偏偷生十有
餘邨而株守雷池不過一步兇其鼻鏡之性食其父母
之邨天下之大可以名刻而迷鬼信神謬說天命甘為
害馬詭託真龍黃巾白蓮覆轍仍蹈旋風時雨混號自
豪不樹正天之幟奠設文書之幕以尋仇報怨為功名
以那食劇飲為願望雖有煽惑何足號召則其志郡善
人性命汚人名節掠人財物焚人房舍品流出勝廣而
下殘賊在闔獻之閒以文明之世教化之國公然以不
法行動犯天演劣敗之例則其孽大今年以來鳩集鴟
張盡汝魯邳禹之桀合謀大舉而一團邨之安樂寨不
下再圍禹之跑馬泉不克三圍禹之萬寨亦不成一聞
兵至西甯南奔諱敗忌死能力昭然則其智短良善之
食既盡人寨堅壁清野誰齋盜糧合股則求食為難分
股則弱力不支民困多傷哀鴻匪亦類梅騎虎則其體
解今國基大定兵力正充就令萬方多難亦當一氣呵
成豈容小醜跳梁久玷光化而匪類輕魯韓臂大張鼠
瞻一逢天討有當輒碎自北洋陸軍統帶吳召鴻昌來
禹匪即來笑狼奔破巢穴者二日胡盧套日史太娃搜殺
首領者四日劉安日趙保亮日王金明日史太娃搜殺

黨羽數十名抄獲賊物十數車境略救平人盡感激對
於兵士尤致頂禮風聲大樹主客交權惟匪計最狡匪
氛甚惡自非大加創懲未免示弱招侮若遽信肅清立
行班師將朝已奏凱暮又告變罷我誤我日不暇給是
以方喜兵來為壺漿箪食之迎旋恐兵去有臥轍攀轅
之請伏乞我大老先生關懷桑梓軫恤塗炭迅發命令
專任責成即飭北洋陸軍主辦豫西全匪自量兵力統
審匪勢進逼高皇廟直搗中堅傳檄各營屬盡作嚮導
彼如拒敵自可聚殲縱令散逃亦可搜勦大兵一肯作
主官民皆敢為援琴林等至愚不敢妄談方略惟論利
器則機關之槍開山之礮凡兵所有皆匪所無語武力
則百戰之餘節制之師凡兵所優皆匪所絀以此操券
不疑何卜琴林等草茅下士芻蕘狂議明知日月之光
不假螢燭之助而鬱懷所激罪言不避亦以民情可達
已享民國之福也楚歌四面秦國九頓如蒙俯納真作
幸民為禹州計為豫省計為中華全國計無任引領迫
切請

四月省令禹改州為縣

日吳鴻昌兵變晝劫商民上聞調還洛陽

日巡防營龔竹銘駐禹

七月設縣議事會

八月十二日寇陷褚河舖寨

二十五日寇踞風后頂 新鄭土寇 百餘人襲據風

后頂寨三日禹密新鄭三縣民社圍之殲殺幾盡

十月麥未下種 自七月至是不雨

二年春大饑

正月二十三民社擊寇於婁敬山殲四十餘人

四月無麥

五月初四日團防隊長趙青雲擊寇於襄城之麥陵 土寇高欣擾襄城張其都督張鎮芳檄青雲赴勦遂會各軍誅高欣覆寇巢於麥陵俘牛馬各六七十匹團勇王華瀆陣亡

十一日土寇白狼陷禹 白狼嘯聚二千餘人既破唐縣圍魯山北竄汝州之大營將襲禹先日已東下神屋馳聞時團防新自襄城凱旋官紳弗信不設備侵晨寇薄城下自南門襲入白狼駐南街寇號於衆曰此來專仇團防也團防駐西街關廟早有一寇飛奔至值隊長趙青雲伏門樓偵變一礮斃之大誓團中曰今日走者非

弟兄也卽授以口號約其機宜由西街以次外拓每守必於巷口每巷止以二人各團勇皆行屋上伏屋脊外瞰而內障寇之由東入者七前七卻竟不能西越煤市口一步寇之由西入者禹城市產萃於西偏寇故糾衆先據西門並預伏子藥於白家廠青雲既奪其子藥并擊斃寇首號草上飛者而西門寇退寇之由南入者早及覺學左右旣橫堵東西兩路併力南攻自朝至於日中旣遂據魁樓礮臺東望白狼駐所不及半里白狼叫呼曰西北風大起起復由南門出城陷而復未一日也南街東街北街盡爲寇刦獨西街最繁富得保咸推趙

青雲功首云

旅長王一峯日暮次梁北

十二日王一峯擊白狼於張樓西窰郝 王一峯自郝躡

白狼後次梁北白狼駐酸棗樹楊日午追及於張樓擊

走之

七月禹紳上書河南都督論匪勢請購槍彈旋奉令准購

槍千支備用

其書曰竊維當今之害難徧以疏舉而其已成者惟與土匪匪禍禍

民實則國禍必中之民民禍已受之國今國少閒矣而民禍日甚一蟻潰隄星火燎野烏在其不禍國也夫古之竊名假器率成於旬莠之間今土匪已及二年而攻寨不守得城旋去不聞堂堂之陣未飾正正之旗大號則赤眉青犢故智則白蓮紅燈酋非侯景之志佐無王偉之才其念不及秦鹿此技亦止黔驢而其殃民也固已萬事荒廢百昌彫枯校中投筆隴上輟耕工肆煙封市場冰冷村炊無煙墟落有月登陣揚息行路斷魂况

復天作人作並成大孽秘會疾貧以盾其後原秘會之設皆為造亂大江南北哥弟仁義大河南北八卦天理在谷滿谷在阮滿阮逐逐耽耽乘間竊發陽與民市陰為匪媒故民比會而會比匪以民視匪已如附骨之瘡若夫貧尤匪之券也君子固窮小人斯濫既無恆產安有恆心況今道揆盡失法守俱去禮學可畔賊民宜與加之以師旅因之以饑饉鼓之以橫議作之以驚氣劫之以負義務之名正之以合法律之罪奪之以老幼仰事俯畜不足之資奉之以官紳醇酒婦人無極之費危之以瀕死不可忍之災迫之以官紳醇酒婦人無極之費危家有曰鏗而走險急何能擇昌黎有曰奈之何民不窮且盜也故民趨貧而貧趨匪以民造匪已成將潰之癰然則將來之匪方長現在之禍正釀而惟幄幾經運籌疆場亦有奮武以我陸軍之力加土匪何啻十倍而久疲於奔命莫禁其跳梁者非戰之罪也敵不相應勢不相及也太阿補履不如錐擘捕鼠不如狸梁樞宜於衝城不可以窒穴獅子宜於搏虎不用以逐兔昔曾文正之打洪楊舍綠營而招湘勇李文忠之逐張賴又撤湘勇而練淮軍兵家所由勝負不盡以多少強弱分也故就陸軍之不適於土匪者論之陸軍以重整而成

帶拙土匪以輕亂而轉靈巧陸軍以勢力而生虛僑土匪以罪過而致猛厲故土匪隨地湧出而陸軍不能立現土匪多少成羣而陸軍不能密布土匪乘隙而動而陸軍不能久鏖土匪潛跡詭秘而陸軍不能備偵土匪而陸軍不能因利乘便土匪不煩稟報莫為遙制而陸軍不能自專行止土匪本以死人各自求生而陸軍不能自生人為入拼死以此入因結為八果雖不比南轅而北轍亦有所勞而周功今欲設就地之法策貴因之妙則鄉團不可須臾緩矣鄉團豈敢曰必勝而匪由民化則團由民立以各自為謀與求人之忠理固從長事亦較便凡養之必以分局而用之必以同約計一縣之勇大者五百小者三百而一局之勇多者三十少者二十以五百三百之勇厚固一團則鞭長不及以三十二十之勇株守各私則棉薄無成惟局分而約同斯化少而為多既節節之設防亦息息之靈通又復輔之寨約以壯團之聲勢使匪攻守皆窮要之村約以廣團之耳目使匪去留皆碍但得登高一呼自可羣山四應將求紳辦無弊先在官督有方故團約之外當有縣約抽每縣

二十人之緝捕編一軍二十人之游擊轉戰無前到處策應統帶由於公推行事許其便宜使悍股當之立碎亦小干散之即消此則官力民力一氣呵成常山之蛇首尾互應紙上之兵於斯略備而曰言辦團鮮告有成者是豈民之翫寇哉兵法有云器械不利以其卒予敵也方今之世一快槍之世也以土礮遇之百不當一今匪皆快槍而民止土礮難發於一夫之手命懸於數里之遙今禁其利器而責其有勇與驅之就死何異何不施之於軍隊勢不可也而禁民購械者豈曰防民恐其誨盜也今奉禁已年餘矣而禁民購械而匪之勢焰日增者以匪之槍彈日富也彼其為物上非天降下非地產適從何來哉害固出所防之外而發於人之所忽者也枚乘曰不絕之於彼而救之於此譬猶抱薪而救火也況乎彼固莫絕此更無救哉常法宜在當時未有變時而拘常法者也不呂氏春秋曰治國無法則亂守法不則悖又曰不敢議法者眾庶也以死守法者有司也因而變法者賢王也今為七為國為下為民非有司所得專也今之當道古之賢王也今之議法責在眾庶也今如曰勿得以眾庶之公議輕破定章則不謂矣今如曰勿得

高 卷二 人事

以數百萬之生命輕破定章則更無取矣且今之購械辦團者實合立法本意無碍定章明文原軍械之通禁也禁私也非禁公也鄉團必由紳辦紳辦必由官督執簡御繁若網在綱凡購軍器皆先稟請責成有人稽查有卷既無私弊豈干禁章解釋明白何嫌何疑且使徒法自行則筆墨策勳何貴賢傑昔漢相公孫宏欲禁弓弩武帝下之衆議屈於吾邱子贛一對而罷其對殆直爲今日發也請誦其要曰且所爲禁爲盜賊之以攻奪也攻奪之罪死然而不止者大奸之於重誅固不避也臣恐邪人挾之而吏不能止良人以自備而抵法禁是擅賊威而奪民救也諒矣哉此擅賊威而奪民救一語冰渙的破每讀史至此未嘗不掩卷而三復也意今之當國者何至不若漢公孫宏紳等雖駕下雅不欲後吾邱子贛野人獻曝杞人憂天凡其上書執事者皆自信其說之可用者也賈誼曰舜禹復生蘇洵曰自比賈誼可及甯前之愚甚矣汲黯之贛自非憂民如傷未易海涵涓助伏乞我公憫其無他鑒其至誠禹民驚弓不堪重傷語曰一之爲甚豈堪再乎惟懇迅賜護照函購槍彈槍若干支彈若干枚請命待命呼天呼父蚩蚩肫肫真辛上訴

十一日寇陷雪山寨

九月大旱麥未下種

初九日土寇程甲王大保等踞暖泉觀團防隊長趙青雲會駐防陸軍連長徐華清擊走之

十一日汝寇秦椒紅陷神屋 據神屋一日夜飽掠颺去

三年二月設清鄉局 省令清鄉乃因自治團改爲清鄉局城設總局養勇二百人十里各設分局共養勇五百隸於總局

四月無麥

六月蝗害稼 北自具茨山南至潁濱食穀蜀黍幾盡

七月十四日縣張孫希賢督鄉勇擊寇於薈萃山 寇首
丁保成韓祥均白狼餘黨率二百餘人踞薈萃山孫希
賢督鄉團趙青雲閻景福等攻之寇西竄登封同日王
聚星陷閻寨禹城戒嚴鄉團李光照擊走之斃宋西池
四年五月十七日閻景福率鄉團擊土寇丁保成於竹園
團勇赤占元陣亡

六月二十四日潁水溢

五年七月十五日毅軍統領馬志敏收清鄉局槍改編巡
緝第七營以徐天培爲營長 自元年創辦鄉團屢立
戰功暮氣亦漸深忌者造蜚語上聞檄馬志敏撤禹團

由是禹無民兵專倚官軍爲安危矣

六年四月設巡緝第八營以馬文斌爲營長 第七營不
受縣節制寇日熾縣長韓邦孚派商農購槍擬成一營
歸縣自帶稟馬志敏志敏卽以其子文斌爲營長自是
禹養兵二營

七年六月 日寇犯張村巡緝哨官馬德山死之

九年二月二十 日宏衛軍變犯禹 變兵自朱仙鎮竄
禹由無梁廟竄石門劫人勒贖遭害者數十家趙傑率
師追至變兵北去

三月初五日寇陷半坡店寨

六月直軍旅長閻相文率兵過禹 相文由湖南赴陝西
住禹二旬供糧芻九千圓有奇及去復索二萬圓

七月大旱無禾

設民團 循自治團舊規每里五十人購槍五百支

九月初二日土寇劉方掠郭村

十月 日馬志敏遣第一營勦馬甲子於大木凹 張同

雲陣亡

初九日地震

十年正月禹大饑

二月王琴林陳嘉桓田春同赴省上書請賑 省長張鳳

臺發賑款壹萬圓糧十五萬斤

其書曰蓋聞雖有至慈不觸不發其悲也雖有

至苦弗受弗覺其痛也今歲北方各省荒災之域闊矣
遠矣國家籌賑之力亦至矣盡矣如豫被災各處已概
霽省長之實惠矣而禹獨向隅飲泣待救遲遲者非長
民者之屯其膏也亦禹之人土自測其才非望淺無以
轉上下之樞也某某等幸生無忌諱之世際計無復之
之時親見禹民憔悴盡先荒而窮困荒而甚原有非縣
長一報所能周亦非委員一查所能詳者不揣冒昧謹
為我省長分別陳之一禹縣災分必辨乎土宜也環禹
皆山惟豁巽方巨東西南三面土宜麥穀獨迤北一帶
全恃種棉易食今歲無棉即無穀並無麥也必欲類舉
則東南平野尚饒水泉西北崇岡不耐曠乾此大較也
而勘災以重者合稱西南可也以輕者渾稱東北則猶
未晰也一禹縣災區雖盡以里限也禹分十里禹縣初
報旱象以禮臨潁川鎮定紫金四里災輕錫章鈞陽鎮
峯義讓文風萬柏六里災重而衡災重輕又非六與四
之比也災輕四里偏在城東愈外愈輕既短且狹約古
全禹十之二今歲麥收不足三分而秋禾不過一分災
重六里環列城南西北愈外愈重既長且闊約古全禹

十之八今歲麥收不足二分而秋禾並無一分是禹災大而普矣災輕者亦宜乙等災重者直宜甲等而統列禹災為丙等亦猶未審也一禹縣之災更有溢出於荒之外者則土匪之多以助天為虐也接勘災定章境有潰兵土匪宜晉一等開列今歲夏月禹遭西北潰兵縱橫過境閭閻驚擾又直軍過禹供差兩旬其勢洶洶誠未可長也若土匪之害則禹自辛亥以訖庚申一無寧日也故他縣之災成於荒而禹縣之災併成於盜成於荒者災隨荒而消長併成於盜者災不隨荒而終始也其間大盜小盜日增月盛人知大盜之害鉅而不知小盜之害尤酷也蓋大盜以害富而小盜以害貧富者寡而貧者衆也大盜或擇肥而噬小盜更竭澤而漁大盜不括珍貴不取粗重故富者遇大盜或有以自養小盜不棄斗糧并傾瓶粟故貧者遇小盜遂更無以自活大盜盜或由外來冀其飽食而去小盜類由內生慮其伺隙環攻矣此大盜小盜之不同也其有同者則並架人勒贖名曰起票蓋盜之智以習而日狡盜之心亦以翫而日忍搶劫者猶隨人財物所現由盜盡力而奪去之勒贖者直量人產業所罄值待主變賣而拱送之搶劫者人或可拚其力而與一關勒贖者人更恐傷其親而

莫敢校今且夜盡五更無復高枕晝行三里悉是危塗村落為墟城門早閉出郭一步即陷潢池畏首畏尾身其餘幾乎有大盜以助小盜之威有小盜以作大盜之俚大盜不盡為荒而起小盜率為荒而致者也是急以救荒為弭盜之方一禹縣之災更有貫澈於荒之中者則負擔之重以強人所難也禹縣以小市場虛負富名而實受貧害概因變局之偶行狙為常例之永遠如他處或二三縣只供兵隊一營而出以一縣而養巡緝兩營合之丁地漕米附稅軍餉四項往時每銀一兩今已納錢六千矣此猶其定額可算者也其隨時旋生者如去歲直軍借款現洋二萬圓支應兵差錢九千串巡緝子彈費洋二萬圓第一師提取現洋一萬圓河朔助賑派洋一千五百圓督催之使相望於道禹取禹求不復瑕疵非有不竭之倉不涸之府何由得其環中以應無窮哉藉口徵商究歸厲農譬彼牛山之木斧斤旦旦並無日夜之息雨露之潤萌蘖不生若彼濯濯蓋豐年強自支拄遇凶歲遂情見勢絀矣一禹縣現在之災狀甚慘也蓋荒兆於未雨之前而災成於既雨之後歷夏五月六月盡秋七月百日杲杲如火燎原不惟無粒子之穫以食人亦且無草秸之成以飼畜市販絡繹牛驢全空

迨甘霖普注而耕種急需賣者復買耕種已畢買者復賣反手覆手一貴一賤牲之不存債且益增矣其間有積貯皆避入城鑿於誨盜不覲賤價而田地成頃器物堆山無人過問矣近因大雪路阻移粟莫來移民莫往糠覈一斗值錢六百糝餅每斤價數七十里無雞鳴人有菜色朝饔則榆皮刮盡夕殮乃槐實拌成甚者煮革大嚼裂衣下咽隍廟廊前僵臥餓殍街衢下擁擠乞討鬻女棄男割慈忍愛扶老攜羸搶地呼天或闔門而待斃或轉溝而作瘠哀哀禹民逢此百罹矣大抵天人交迫以造災遲某某等同在水火之中創鉅痛深仰首哀鴻冀澈聰聽竊謂當今百姓佛出亦收不得惟省長能救之凡豫北豫西早渥沛澤中外義賑亦復接踵禹隸豫東實居豫西豈任嗷嗷頃禹之福音堂牧師寶典禮由滬籌賑會運麵十二萬斤以賑禹民蓋亦由耳目親切有以動其心也伏乞省長憫鑒禹災允符晉等明降德音盡停征徭普施仁政立予賑濟激西江之水全活涸鮒則自今禹民不死之日皆省長重賜之年也天良具在何止感激涕零乎某某不勝迫切待命之至

設救荒公所

三月二十八日土匪陷范坡寨

寇據范坡寨焚掠柏山

左右數十村

四月 日土匪王振陷花石頭寨

十一日王振張得勝陷順店寨

二十日河南陸軍第二師第二旅第一團團長梁國印駐

禹 王振張得勝盤據西山出沒無時巡緝營弗能禦

麥將熟難收穫黃建勳陶成章劉國範方謙柄王化宣

等赴省乞師省長張鳳臺飭國印率兵駐禹

二十四日梁國印擊王振於磨盤山敗之 王振率黨數

百踞磨盤山寨營長王時雨領兵二十進攻寇據高臨

下彈射如雨時雨令兵皆蛇行薄壁下克其寨大軍繼之殲寇過半兵無一傷者王振竄臨汝自是寇焰頓息十一年正月十三日梁國印移去

三月二十日土寇高登襲翟建功陷大井李寨

四月督軍趙倜調巡緝第七營八營赴中牟

二十日巡緝營潰歸禹 趙倜既敗第七營營長逃去潰兵踰風后頂抵蔡寺大掠竄西山其歸城者改爲城防營第八營歸禹候編

五月初二日陝軍補充旅旅長曹世英駐禹 士英在鄭其部僅百餘人招洧川長葛土寇張聲勢其團長王祥

生率三十人先至布告大兵數千在後收巡緝第八營城防營槍及商團槍與商會會長樊海瀛齟齬自此始禹自五年編置巡緝營至是供餉逾六十萬圓

初十日土寇陷山連寨 焚屋二百餘間死五十四人掠百餘人去

十二日土寇陷黃岡店寨 黃榆店民團隊長李光照牛同慶往擊之至則寨門洞開或勸賊衆勿入光照未及答忽見一婦一女自賊中奔出散髮裸身相隨投井死光照大呼同慶曰賊作惡如此誓不與俱生遂入寨斃賊數人中礮並死

十六日曹世英誘寇首周郁文鐵老四等誅之 土英招
土寇千餘駐禹恐爲變乃僞開軍事會議召寇首周郁
文等於龍廷土英慰獎數語僞張宴伏發執諸座上斬
之分兵圍文廟西關寇隊皆繳械其屯留侯洞者抗至
夜縱火逸去

八月二十九日李萬長陷岷村寨 焚屋三百餘間掠五
百餘人

十二年正月紅槍會起 紅槍會爲八卦教義和拳變名
傳習符咒號能避槍礮是時土英主招寇寇益熾民乃
習紅槍會謀自衛始敢與寇角寇頗畏之

八月二十日民團勦寇婁敬山不利 李萬長俟鐵蛋馬
留志等嘯聚百餘人據崆峒山與西山寇連結日肆東
掠縣長飭集各里民團禦之於婁敬山敗還

九月十九日寇掠竹園 村民習紅槍會逐之走死六人
二十三日潁北紅槍會破寇於婁莊 自婁敬山之敗寇
益肆紅槍會聯二千餘人攻李萬長等於婁莊寇懼西
竄白沙潁南紅槍會要擊之竄西山

十三年三月曹士英禁習紅槍會 土英駐禹專主招匪
擴其部至三千餘人排長以上皆陝人爲之月供餉四
萬圓所領軍米強糶之民更責出供麵其人率挾定占

民居而兵又與商雜處農商愁怨道路以目士英恐紅槍會與抗嚴令禁止

九月 日曹士英從吳佩孚北伐以營長王子文留守士英駐禹三年供餉逾百萬移師北伐責禹供餉益亟二十二日魏國柱牛盛武陷楊店寨

十月某帥遣委徵餉 委員坐徵餉二十五萬圓辭曰毀家紓難商農愁無以應先輸萬圓某帥敗獲免

十二月二十九日禹民逐曹士英不克 吳佩孚敗士英被俘全部繳械其團長王祥生走歸禹自長葛招土匪五十餘人分駐留侯洞及舊清潁驛襲始來禹故智與

王子文謀奪武裝警察及商團槍恢原勢比士英歸持奉票迫商會易現金逾二萬圓又迫鄉鎮易票並收鄉團槍由是人心大憤商會會長樊海瀛公款局長陶成章神垕鄉團張書信張湧泉武裝警察隊長趙青雲商團隊長王鴻業合四鄉紅槍會謀先發是夜變作張書信率神垕鄉團自北門入先至清潁驛收王祥生槍祥生跳兔王子文力禦弗能克祥生奔許昌告變督軍胡景翼疑軍民交誼電詢電報局長某乃以樊梁陶張謀叛復而禍遂烈

十四年正月初一日陝軍旅長蔣某率兵屠禹 旅長蔣

某團長張某自東門入團長劉某自北門入焚殺三晝
夜繁市半爲灰燼死五千餘人王鴻業戰死樊海瀛陶
成章張書信趙青雲等出西門走神屋張湧泉中彈尋
死陝軍掠五日始止民戶率貼曹士英王祥生保護示
每示費價百圓或數十圓

十二日曹士英去禹 城內車馬財貨如篋如洗

陝軍團長宋繼祖駐禹

二十九日任應岐率兵過神屋

二月初三日蔣世傑李虎臣率兵過禹 胡景翼怒玉崑
相持成皋間玉崑令部將李鎮亞駐登封遣兵守白沙

景翼別遣蔣世傑李虎臣集重兵攻白沙鎮亞退走

戶督軍胡景翼殺王祥生於開封 景翼後知禹變祥
生實禍首因槍斃祥生傳像於禹以謝禹民

三月二十八日毅軍第二混成旅旅長劉正芳率兵過禹
索民車五百輛抵臨汝踰月始放還

四月初七日土寇魏國柱趙齡李龔子陷坡街寨 魏國
柱趙齡李龔子嘯聚千餘人依大雄山爲巢穴連陷坡
街古城寺鴻暢等寨焚大湖共掠二千餘人以歸究其
貧富準田折金畝十圓贖貧無以贖及贖與言不實
者皆死之自是寇虐益肆

五月初一日毅軍旅長劉正芳駐禹

初四日寇攻火龍廟寨弗克 沿道殺掠數百人西去劉

正芳遣兵追之不及自率所部分屯文殊店神屋要其
東下寇北竄密十五日還城

十六日寇攻岷村寨劉正芳遣團長王寶貴擊走之 岷
村在大鴻山南故金元東張鎮磁場缸碗窰環立寨外
是夜寇至據碗窰爲礮臺礮寨寨內以佛郎機禦之寇
負扉戴帽冒木石緣梯升前墜後繼尸積壁下弗退塵
至午寇攻益亟據高臨下礮無虛發寨內死傷枕藉更
斧東門門壞內以石實焉寨內火藥盡勢將不支正芳

聞報命寶貴率兵往寇望其旗曰毅軍來矣解圍北去
追及大鴻山斃數寇會日暮退保岷村寇夜遁竄臨汝
岷村死六十餘人

七月設十里辦公處 自曹士英駐禹需索車馬無藝需
一索十需十索百縣派則倍之差傳又倍之在鄉賄放
其半進城又賄放其半逮交陝軍又賄放其半其不能
輸賄者率踰旬月不得歸牲口凍餓倒斃無算距城稍
遠之處概以賄免附郭二十里內農民有車專以支差
爲事民皆苦之乃設十里辦公處用軍縣辦公處三聯
單革濫索浮傳之弊

十五年正月劉正芳去禹駐尉氏 索民車七百輛還至
涓川爲寇刦隻輪不返

十四日陝軍補充團楊法秋營長袁夢蛟駐禹 督軍岳
維峻去豫楊法秋歸師長閻曰仁仍駐禹

二月 日獲僞旅長某於東關

三月閻曰仁遣其子營長閻小山駐禹

四月 日獲僞師長侯某於犢水溝閻曰仁殺之

六月 日寇陷董村寨掠二百餘人

七月 日閻景福勦寇於官山死之 景福清諸生向帶
鄉團屢立戰功後解甲授學是時匪大熾羣推景福復

出雜抽十里團勇付之倉卒遇寇於官山南之駱駝原
兵將素不相屬咸潰走景福陣亡

團長楊法秋營長閻小山移去索款六萬圓

十六日李鎮亞以其部駐禹 鎮亞魯山人其部皆編自
土寇人率挾家雜民居名爲一師實索數師之餉往來
禹魯每需車數百輛城鄉騷然設支應局於文廟

錢商倒閉 自岳維峻濫發銅圓票百物騰貴省府復發
兌券易現金錢商資本爲空銅圓票不行錢商三十餘
家同時倒閉禹市益衰落矣

十月 日李鎮亞設兵工廠於舊儒學

十月 日寇陷十里舖寨掠二百餘人

十六年正月二十二日劉喜全趙丙寅陷楊武寨

三月 日某部旅長劉理亭自新鄭來禹以其兵屬李鎮亞
日某部師長孫建業率師過禹李鎮亞旅長薛宗五要
擊於逍遙嶺斃之 建業隨吳佩孚南走道禹被害其
部南去

四月 日前陝督劉鎮華率軍蒞禹 鎮華由洛抵禹自
駐城以其軍駐城南逾旬去

五月二十日土寇李庚掠郭村

七月 日靳雲鶚蒞禹 謀抗國民軍與李鎮亞定約去

李鎮亞收民團改編爲十連以其部劉鳴周統之

八月初八日李鎮亞遣兵守密 鎮亞據禹密汝魯寶邲

六縣

十四日李鎮亞兵自密敗歸

十五日國民軍第 軍長韓復榘率兵由登封次白沙前
鋒及順店

十六日韓復榘進駐龍池前鋒及瓦店 復榘由潁水南
北進兵李鎮亞遣兵禦之十里舖及田莊梁冠英率師
由密次馬墳戰城北

十八日韓復榘進駐小田莊督攻城 李鎮亞集兵西關

專計城守黎明開戰塵至午

二十二日韓復榘移駐城南梁北督攻城

二十五日韓復榘移駐城東老連莊督攻城

二十六日梁冠英移駐課張寨

九月初二日李鎮亞自西門宵遁

初三日韓復榘入城殺縣長李宣南 宣南媚李鎮亞為

派餉未踰年踰百萬省令易縣長宣南抗弗交城克復

渠殺之

十七年禹民報災略曰本年土匪之害有形是

瘍疾潰其肌膚者也夫歲軍閥之害無形是蠱疾耗其血氣者也李軍駐禹甫一年供給踰百萬其始農商各半後以商民歇業者眾改商二民八地丁一年徵三次故至今已徵至二十二年禹之田猶他縣之田非天府也一歲罄所入不足供義務人皆以有田為病

田日賤而穀日貴故田售五圓左右而無人受多棄其田於貧人是又李軍促禹民之生命雖有知者無以善

其後矣

第十五師趙廷選駐禹

二十二日寇陷莊頭寨 李鎮亞既敗其部間與寇合寇

遂熾

二十三日李庚劫郭村掠五十餘人

二十六日寇陷下宋寨掠五百餘人

二十八日趙廷選移去以侯營長留守

十月初二日寇掠西關 寇偵城內駐軍別調乘夜東下

將襲城值駐軍復回乃大掠西關高村民社孫玉芳率

鄉民要其歸路大敗之盡奪寇所掠散還民家自是民氣大振西鄉民社紛起城駐兵一連派民守城民十間一兵西南二門三月爲之不啟

初四日寇陷龍池寨掠四百餘人去

十七年正月元日國民軍第 師師長張萬慶民團軍團長于振江擊寇龍華山不利 是日大雪寇聚龍化山度歲萬慶振江集各區民團出寇不意薄山下方指攻會陰雲驟合冥不見人寇鈔國軍後民團大奔兵亦走死百餘人日暮退保文殊店寇懼國軍復至越三月弗敢東

二月 日國民軍二十五師師長馬式彬駐禹

三月初一日樊鍾秀遺其旅長趙振江攻禹 屯城西南

郭村十里鋪諸村預誘土寇廟道助聲勢是日寇焚掠樓劉南袁莊二十餘村掠人畜無算初二日李庚柴福智假樊軍號襲郭連寨掠千餘人以歸

初五日土寇李庚等攻泉店不克歸焚柏山左右諸村沿路掠七百餘人

初十日趙振江陷西關 馬式彬守禹其部不滿一千電線絕日使鄭告急是日振江陷西關式彬率兵出北門擊之縱火助兵勢煙炎張空人殊死戰會大雷雨罷去

其夜廟道攻城廟道者黃巾支統假治病爲名誘愚民入其教能度劫潛蕃逆謀與共匪通奉臨汝朱金剛爲師蔓延大河南北會省令黜佛道毀偶像廟道謀益亟建國軍樊鍾秀利用廟道嗾起事初八日屯聚城北霸王岡臂裹黃巾署大漢開國元年中央自治軍其黨在邠襄城長葛新鄭者蜂起響應其魁爲胡貴及張陳氏率黨千餘夜攻北門呼聲聞數里城上寂無聲比置梯衆半登城上礮發斃數人衆大奔爭渡清潁橋自相蹈藉死者橋下如鯽各散走胡貴收召餘衆退踞霸王岡十二日趙振江攻城自東關攻東門礮壞門樓緣梯登

幾弗支會馬式彬偕參謀長羅冠英挾礮至擊卻之又自南關掘地道穴城抵濠阻橋石弗能前

十三日廟道士寇合犯潁北 廟道攻城不利西召土寇柴福智王輔清南化文等與合諡曰黑虎道勢張甚焚郝莊燕莊陷課張大路陳二寨夜攻劉樓小集桐樹張三寨未下明日陷桐樹張寨踞之北攻曹姑嶺寨一首磔焉寇怒破其寨屠三百餘人焚掠七十餘村十七日聞樊軍退驅所掠二千餘人牲畜無數西歸廟道桀者悉從寇餘黨數百屯大路陳八里營民團禽胡貴張陳氏送馬式彬誅之餘黨復北走焚黃瀘河月灣踰具茨

山被遏復由陘山而南二十一日竄坡胡及山貨廠民團圍之禽其魁殲焉餘悉釋歸

十七日趙振江退楊店 樊軍登封敗聞至振江以其部退楊店城圍解尋退閻寨

二十二日王輔清陷小呂寨 輔清略潁北意未饜越城陷小呂

二十六日寇陷羅集寨 夜襲寨焚屋三百餘閒掠百五十餘人民社要之潁水擊斃數十人竄歸西山復陷張樓寨

二十七日李庚襲李樓寨 民社隊長孫玉芳旣死寇易

之欲復仇旣陷寨孫玉磬率民社逐出

四月寇犯角山 南化文李庚自合廟道各聚夥數千人值大旱謀煽亂乃率所部分踞虎頭寨及駐駕山寨放火焚麥分南北中三路東侵民社亦分三路禦之寇併力中路焚薛河曹璜邢莊陳莊于溝暴溝樊岡張溝等十餘村房屋多成焦土攻角山雲峯寨不下東焚韓窪川張顧莊更番遞出無日不戰三路民社互相援救爲犄角鏖逾月阻寇弗得東南路隊長孫玉芳前擊寇湯王廟中斃死孫同代之乘其餘威寇不敢南犯乃由中路犯及北路陷坡村殺其衆二百餘人始合力圍陳岡

五月初十日寇掠吳灣 寇分股數十人據城北萬莊其
夜掠城東吳灣過城北城閉兵弗出寇知城中虛實遂
肆其毒矣

十七日南化文賀小和王輔清王根等陷陳岡 陳岡在
湧水南居民二百餘戶礮樓數十座當寇衝寇出入輒
被要寇畏惡之威誘百端曰但給軍卽活地矣活地者
寇號所屈服村聚也陳岡弗應寇圍之數重陳岡乞救
馬式彬遣旅長佟某駐順店逗弗進寇用礮夫穴屋壁
入樓上不見人火輒然衆驚擾寇乘之攻入村短兵接
戰婦女亦持刃斫寇死傷過當寇來益衆彈盡援絕知

弗敵少壯荷槍突圍走婦女老弱凡五百餘人殉焉燬
其村爲墟焚坡村坡街柳林尹家岡繩李神林店黨寨
等二十餘村分二股東下南化文向城北李庚向城南
十九日李庚王大有陷晏窰寨踞之 寨陷屠其衆三百
餘人焚掠附近孔樓柳村店賀莊山張前袁四郭酸棗
樹楊大風寨唐口等二十七村烽火直達城南五里堡
二十二日南化文柴福智王有等掠賴北 陳岡旣陷寇
知禹北無備遂東下自杏山南十里齊舉火民避弗及
皆被掠城門晝閉焚邵岡竹園礮樓死三十九人入馬
墳礮樓五守弗下陷山連桐樹張及李黃寨殺二百餘

人焚唐窪攻井李寨未下火引吾溝礮樓死四十餘人
焚掠九十餘村燬礮樓二十餘座二十五日聞兵至驅
所掠男女三千餘人西去其老弱不能奔者悉礮斃沿
途死者如碁布是日國民軍趙師長鳳林至克晏審李
庚西走

設難民收容所 難民入城街巷爲塞官紳等設收容所
二處一在文廟一在萬壽宮專收無所歸者每處達五
千餘人

二十六日趙鳳林追寇王山克賀廟 賀廟孟灣西山門
戶爲寇巢聞兵至夜遁拔出難民千餘人劉軍長汝明

代鳳林駐禹追寇及牛頭山劉大寨寇驅俘民竄臨汝

禹民呈報匪災略曰竊維兵匪交禍中國至今日而亟
於中國之中豫省最甚豫省之中禹縣最酷蓋自軍閥
廟道土匪三者互相爲用禹縣遂遭李自成後第二之
浩劫謹就本年身受目視耳聞最痛苦最真實者具次
始末訴諸當道惟省政府哀其水火而拯救焉則是起
死人而肉白骨也中署匪之掠人歸巢也毒刑審所業
多寡名曰憑票子曰憑一次田一畝贖金需十圓言不
實或貧無田贖少緩咸職而焚之爭棄其田肇贖金懼
弗及一被掠家破矣每數十百人閉置一室或土穴中
束縛饑渴之至迫令自飲其溺焉夜弗使寐蟻蝨累累
自身墜痲死者什三四往往破家空輿尸返或併尸弗
得卽得贖歸奄奄以死又什三四因之滅門者不可屈
指數聞者疑禹民膚受之愬乎趙師長鳳林曰殺人放
火慘不忍觀劉軍長汝明曰黃巢闖獻無其荼毒恍恍
惻隱之心不動於耳聞而觸於目見蓋非禹民之私言也下署

七月南化女李庚柴福智王有等復踞西山 大兵旣去

南化文等糾聚舊夥千餘人歸西山老巢連陷呂溝寨李村寨圍揚武寨二旬不下寨外焚掠無遺旅長陳德馨遣兵擊退之八月 日攻侯溝寨未下陷王山寨死十餘人掠百餘人九月 日攻吉山寨不下陷佛山寨又分黨掠犢水溝劉亮劉洞等村合禹民團禦之文殊店神屋間

大旱蝗 自春無雨初伏後得雨始種晚禾蝗蝻又生禾苗食盡錫章里最甚

八月二十一日大霜殺菽 禹民呈報旱災略曰禹西北負山田惟宜棉一歲止一收春季無雨棉已失種乃種

晚穀穀被蝗害或種菽麥又傷風霜一歲三種一無所獲合禹苦旱西北又兼苦蝗今節屆霜降雨仍無蝗蝻徧地始惟禹北近已渡潁而南被害周四十里種麥愆期少數曠田有蝗之區畏蝗蝻而不敢種其已種之麥又被蝗蝻食盡 下略

十月 日寇陷雪山寨踞之 既踞雪山復東下陷張樓寨死二十餘人掠六十餘人破文殊店之天垆死十八人又北略方山附近雪山之佛山海山龍華山牛心山諸寨盡爲寇據東略及城外

十一月二十日國民軍三十一團團長黃承德破李虎於

祖師廟禽其黨百餘人誅之

十二月 日李庚伏誅 李庚東走夜棄槍馬於八里營
至郭連被獲送縣凌遲處死李庚在賊中最殘酷人皆
快之

南化文王有柴福智謝太山賀小和率眾竄薈萃山

十八年春大饑 去歲兵匪旱蝗交虐越春大饑土民募
捐設粥廠於西關賑之

三月十七日王有陷天王山寨

二十二日王有陷馬跑泉南寨 馬跑泉南北二寨據王
泉山頂爲禹西屏障于振江率民團駐北寨南寨貯槍

多爲寇陷北寨孤立越二旬汲道斷振江棄寨走寇入
民悉遭虜寇復熾

四月初十日黃承德移去

二十 日韓復渠率部自洛過禹

五月二十六日寇攻小呂寨

蝻生 杏山左右如蟻如蠅一過麥無苗禾無根

二十七日寇焚掠西南王村酸棗樹楊掠百餘人

五月二十九日張國政南化文劉喜全魏國柱王有等陷

順店 寇自閩寨夜抵順店破之順店禹西巨鎮多營

絲業陷後富室巨商同盡全鎮精華竭矣盤踞七日四

出焚劫分其黨攻羅集弗克五十四師鮑剛率師擊之
寇竄登封

六月初 日陸軍第四師長張勵生駐禹

七月十八日潁水溢 城東北南三門皆進水

八月初二日張國政王有魏國柱等陷神屋踞之 寇自
密登竄回連陷蜂灣神林店圪塔寨神屋故磁場商業
繁盛東西二寨礮樓林立寇久垂涎猛攻七晝夜陷之
大賈殷室盡爲所劫盛據弗去

日寇撲城 寇踞神屋貪心益肆糾合汝魯邳寶積寇
二千人東下撲城商民告急第九軍魏師長鳳樓遣騎

步兩團蒞禹寇解圍復歸神屋自禁溝以西四十餘村
焚掠一空

二十二日寇焚掠耿樓祁莊石羊孫 焚屋無數掠四百
餘人去

日高村民社擊寇敗之 寇由西山潛下焚掠城南
十里舖等村高村賈灣民社預伏角山藍水各要隘寇
至擊斃數十人

九月初六日寇退出神屋
師長顧祝同駐禹

蔣總司令督師蒞禹

陸軍第十四師師長劉春榮駐禹

九月 日寇掠火龍廟葛村馬寨

十月 日劉春榮追魏國柱於諸侯山 國柱由長葛依北山回竄春榮躡其後至山連寨寨中誤爲寇閉弗納春榮怒命攻寨寨開門謝過始去

十一月新編陸軍第四師劉桂堂駐禹 桂堂故山東巨寇混名劉黑七受撫後自臨汝移禹徵餉搜槍四鄉騷然

十九年正月十一日魏國柱陷古城寺寨 古城寺故東北巨鎮商業殷闐寨陷刦略一空掠三百餘人商務遂

壞

二十日劉桂堂閉城大括 桂堂駐禹月供五萬餘圓意未饜乃閉城大括按貧富勒派十四萬圓多則千餘少亦數十威刦刑迫有自經者越七日門始啟

二月初三日劉桂堂移駐新鄭 前夕縱兵大掠並刦人勒贖旣出城沿途掠牛車千餘輛

初四日土寇張祥侯老七焚掠潁北 南自沙陀田莊北至杏山焚掠五十餘村

警衛團王振駐禹 王振受汴帥委糾合臨汝寶豐邲禹上寇其名者趙忠王有王根柴福智宋揚子等皆署爲

師旅振自爲軍長凡四千人自邾移禹月供餉五萬餘
圓糧芻稱是旋分其部駐順店古城寺鄧連石固等鎮
三月初八日魏國柱屯麻地川焚掠潁北 國柱爲王振
外隊外隊者撫軍所放互相爲用者也外隊與撫軍輸
金錢撫軍與外隊送槍彈撫軍不能自安時有外隊則
有所歸外隊不能自安時有撫軍則有所存此收撫土
寇以來通行習慣國柱率二千餘人屯麻地川四出焚
掠西自白沙東抵水磨河百里內幾無完村陷上王莊
冀莊張洞桐樹張不過崖雞山山連李黃郭莊曹樓姚
店等寨攻張樓韓樓二寨不克而石固鄧連駐兵爲之

遮護怒建國軍之擊寇也幾失和每日兵匪往來城山
閒無忌烽火逾月始熄

四月初八日國民軍吉鴻昌率師駐禹王振移鄆陵 王
振與魏國柱約兵出寇入先日寇由麻地川屯城北馬
墳湫水廟諸村其夜兵走適大雨雹中寇忌而國民軍
旅長徐福勝入城寇未知也翌日出擊寇於霸王岡寇
東隨王振走鄆陵

賑潁北災民 寇去潁北如洗陳嘉桓王景會黃國琪等
募費設粥廠賑之一在麻地川一在井王村

五月河南民團軍總團長韓多峯駐禹

六月土寇張國政張祥踞西山韓多峯擊之 多峯初蒞禹擊李同寅於三峯山三日驅去未幾張國政張祥等率寇二千餘人歸踞西山乃大集汝邾登密襄葉許葛鄭禹民團三千人遂破楊嶺寨決謁主溝埽迎恩宮搗馬武寨清壺盧套蹴山頭趙村凡宿寇舊區皆以民團占據之

七月韓多峯擊張國政張祥等於范坡 西山寇巢旣占寇無所歸復東糾許寇陷泉店多峯乃電請濟師派總指揮阮玄武師長魏鳳樓旅長張駿攻泉店多峯自邀擊范坡至黃榆店斃寇無算國政等率其黨竄邾寶遂

空西山莫敢犯

晉軍騎兵第一師趙承綬駐禹

十二日北軍退駐禹 魏鳳樓席液池等師駐禹徵民丁晝夜築濠壘括糧萬餘石爲堅守計南軍飛機日至炸斃數十人盡東北境爲戰場

八月初九日軍長劉汝明退禹

十三日北軍西退建國軍師長王泰進城翌日岳維峻至王泰移邾

十四日中央某師山城北駐密

武團改保安隊 禹團二百人以詹景山爲隊長王漢傑

副之

九月 日寇陷張澗店寨掠三百餘人去

十七日葛雲龍駐禹

十二月二十路師長趙冠英駐禹葛雲龍移去 是歲供

給芻餉糧銀每兩輸金八十餘圓

二十年正月初十日二十路總指揮張鈞蒞禹收撫土寇

宋拐子

十八日趙冠英移師南竄襄陽 拉民車七百輛派款數

萬圓

二十路七十五師宋天才駐禹

三月二十路旅長范龍章駐禹宋天才移去

隊長詹景山攻寇磨盤山

六月二十日七十師副師長王殿閣團長葛孝純駐禹

隊長詹景山攻祖師廟

七月初十日十五師旅長王凌雲駐禹范龍章移去

九月十四日撫寇張窪斗叛 初張窪斗以五百人受撫

駐城西三官塚未幾約西山土寇將襲城謀洩而守門

兵易人寇抵西關槍響遂退恣焚掠劫邢寨禁溝三里

莊等十餘村張窪斗挾寇南竄其夜陷小呂寨

十月 日十五路騎兵旅旅長馬騰蛟駐禹葛孝純移去

二十一年三月十一路營長趙虎章駐禹

五月土寇王有踞西山綏靖督辦公署參議邢預培督禹密邾登封民團擊走之 西山寇既南去王有復糾眾據南崖范門趙莊三寨悉峭壁斗絕中間湧水爲犄角預培督禹團趙青雲及密登邾民團圍數旬克之王有西竄臨汝民團死十人毀三寨爲墟

七月初一日趙虎章攻馬鞍橋連長謝慶雲陣亡

二十二年二月十六日土寇張窪斗趙忠犯禹綏靖督辦公署劉鎮華遣兵擊走之 張窪斗趙忠挾鄂寇顧大紳率四千餘人由鄆陵許昌西犯經石固水磨河依具茨山

而西及白沙初劉鎮華電飭旅長武延麟以二團人駐神垕至是移白沙趙青雲率禹壯丁團駐花石頭寇以禹備嚴西竄登密閒二十一日鎮華自邾來禹旋赴許昌留武旅駐守明日寇由密分股顧大紳東走張窪斗由石門南竄麻地川鎮華電飭武旅分二路擊之牛某率一團由蔡寺攻雞山爲東路寇西遁毛某率一團由下宋淺井邀擊爲西路寇潰竄西山武旅移駐邾二月二十八日孫同率民團擊寇杜村死之 寇歸西山復分股東竄人杜村據數礮樓白固孫同率民團攻之鑿壁入縛數賊寇自上狙擊同中礮死寇卒爲民團所

困殲焉

七月土寇王有犯禹 閏五月王有自西山東掠萇莊踞蔡家樓西陷登封大金店七月十五日復陷邾之安樂寨兩村皆巨鎮掠槍多勢驟張十九日踰三峯山經郭村掠百餘人又北陷任坡十里舖二寨其夜渡潁陷桑莊寨踞之二十五日西竄白沙爲登封民團所遏復東竄看花臺踞馬溝八月初一日渡潁南踰三峯山踞酸東樹楊二日竄邾其孫石頭一股踞張樓擊走之

八月十九日土寇王有王根犯禹 王根由登封竄方山與王有合股率五百餘人東下由杏山南經蔡寺襲桐

樹張寨不克焚掠附寨岳莊岡李等三十餘村東竄長葛復竄襄城南之槐棟寨

二十三年二月十七日土寇王有犯禹 王有率寇千餘人自寶邾竄回西山掠方山及萇莊保安隊騎兵一團自許來禹禦之婁敬山二十一日寇東竄出沙陀渡潁越三峯山所過焚掠翌日復由密來保安隊一團駐南關

二十四年六月初一日某軍變自許昌竄禹 追兵躡及鴻暢圍而解之

六月二十日土寇張華襲官山寨據之 張華趙新甫向

匿許昌潛召黨類不時刦質至是竄伏邾之馬山寨糾合三十餘人襲踞官山寨刦質勒贖金保安隊暨兩山壯丁隊圍之旬餘弗克

七月初四日官山寇夜遁 十四旅礮團團長馬 駐

神垕以礮攻之仍弗下移去寇以抵禦久彈盡夜火寨垣遁去壯丁隊長陳煥章李德立率二百餘丁追至祖師嶺花榆樹溝距杜村山頭趙寇巢已近會霧起冥不見人汝邾壯丁亦至圍旣合天霽聚而殲焉禽張華誅之

禹縣志卷三

山志

禹山國也潁水斜貫其中北岸之山皆發脈於嵩南岸之山皆發脈於箕茲規禹貢導山之法以著其支幹離合之勢復載物產及遊眺文詞以博其趣而父老流傳故實猥瑣北山多道黃帝西山多道光武雖言不雅馴亦事必有因史所或闕也而固國之險尤重山谿故復詳戰守之宜甚矣山之爲利害也後之獵文藻侈武烈者或均有取於此志

環禹皆山西北導自嵩山潁水間之奔爲二支潁北諸山

發自太室由登封陽城山西來環禹北東二境統曰具茨
山脈穎南諸山發自少室由登封箕山西來環禹西南二
境統曰箕山脈

穎北之山自西而東首曰蒼萃山治西北六十三里諺曰
黑堆山楊河水出焉其上有下廟鋪禹密故道取此今改

由石門鋪廢西南五里曰鐵母山其上產鐵諺曰鐵山陔
道光朱志曰州西又南五里曰紅石崖其麓有玩花臺相
北六十里出鎮

傳韓侯所築唐武后嘗遊此又南六里曰二龍山東曰大
龍山桃園水出焉大龍山東曰柏嘴山後漢高祖陵在其

下圖書集成職方典大龍山有五代西曰小龍山又南三
漢高祖陵以與柏嘴山接而言也

里東曰歇馬亭山西曰黑龍山產煤下臨穎水

水經小龍山下誤

蒼萃山東曰天鵬寨山

山產鐵天鵬山東曰石梯山

昌墓在焉諺曰紕墳坡南十里曰郭後山曰虎山諺曰虎

背嶺產煤又南八里曰婁敬山世傳漢婁敬嘗隱此其上

有砦內有玄帝廟諺曰祖師廟坡

石屏篆刻婁字大徑

尺或言婁敬墓也又南八里曰馬山又南六里曰荆山
太平寰宇記引洛陽記荆山出玉齊武帝於此采玉其下
郎漢潁川郡地道光朱志謂此地未入南齊當屬北齊神
武帝高歡也山南有村曰其東爲夏少康城周康叔封邑
和抱玉蓋緣荆山附會之

也東魏故縣潁水經其南

石梯山東六里曰火門山

圖書集成職方典山在密縣南三十里有洞豁然向離因名是

山界禹密間其陽故屬禹境

天井河出焉南七里曰大龜山

魏書地形志滎陽郡

密有大龜山清一統志曰在禹州西北五十里今屬禹不隸密

其南有龍福寺

朱弁曲洧舊聞龍福

寺據大龜山是也中州雜俎陽翟龍福寺門外東偏有修竹二畝餘殆不滅洛中所產有鼠喜食其筍寺僧於筍生時置鼓晝夜鳴之謂之驚鼠鼓按亦是引曲洧舊聞

大龜山東南曰老觀崖其下有

羅漢洞乾隆邵志州西北五十里萬山之中極為幽雅明

龕為聞佛地潛仙跡故向翟曇問老聃未遇高人窮八八且同大士化三三耆闍不異蓬萊島頓覺心清揮筆談

清光緒二十六年教匪王得道謀據此倡亂事覺被捕

火門山東八里曰崆峒山一名大仙山

圖書集成職方典分崆峒大仙為二

山逍遙河出焉莊子黃帝為天下十九年令行天下聞廣

成子在崆峒之上往見之即是山也溯逍遙河盤旋而上

中有逍遙觀一名大仙觀清雍正十年勅修河北懸崖有

洞向離為黃帝問道處顏曰得道庵西有石瀑數丈特雨

淙不恆見度石橋而南祀廣成子東崖之根有泉滂然穿

丹竈度玄關白石龍口中流出下滙為池游魚可數復南

瀉出竹叢蔬圃間北山幽麗勝絕處

顧炎武天下郡國利病書懸崖有瀑布水

飛下石澗淙淙振林木崖巖有石洞中有白犬常遊洞外因號其塚為玉狗峯上有廣成子廟及崆峒觀下有廣成

子墓即黃岡爾崆峒山賦所謂金洞結懸嶠之半上下帝問道處

無階石梯當絕壁之險微茫自竇庵無餘地道人每棧樹

崆峒山

卷

山

為宮谷有靈蹤游客嘗捫蘿代杖者也晉盧損卜居陽翟
 立隱舍誅茅種藥卉衣野服逍遙於林泉之間出則柴車
 鶴擎自稱具茨山人晚年與同遊五六人於大隗山中大
 仙觀疏泉鑿坏為隱居之所誓不復出其所謂大仙觀即
 逍遙觀今祀廣成子處即盧損故居周庾信黃帝見廣成子詩治身紫府問政
 青邱龍湖鼎沒丹竈珠流興雲即雨落木先秋至道須極
 長生可求元邁賢登崆峒山詩綠蘿陟層巖曠野浮雲
 馳驅風西北來颯颯吹裳衣氣候倏變遷中懷鬱歎歛路
 逢一道士高結冠巍巍恐是廣成子載拜欲問之長歌入
 深林棄我忽如遺哀湍瀉石磴日落松風悲靈蹤邈難及
 下載生遐思清董祚宏風南遊崆峒詩春遊選勝地策
 蹇上崆峒叢樹灌新雨危樓納遠風衣單誰怯冷酒醉我
 猶雄攀躋凌峯頂往邈龍氣中張琰月夜崆峒山閣詩
 山半層樓起登臨俯碧欄恰疑凌廣漢直欲跨飛鸞月色
 當秋迴泉聲人夜寒崆峒仙跡在笙歌渺難攀上蔡方

絮矩崆峒山詩天中蒼翠鬱名堯黃帝遺蹤世代遙絕壁
 風雲籠虎氣虛岩鐘鼓鬼神朝誰問至道留金簡尚有封
 祠奏玉簫俯仰情深吟史記黃帝披山通道西至崆峒其
 不盡馬頭殘葉響山椒

山有二一在平涼一在臨洮皆云廣成子隱地顧炎武曰
 莊子言黃帝問道崆峒遂言見大隗迷於襄城之野其為

此山無疑臨汝亦有崆峒山羅莘路史注曰在汝之梁縣

顧炎武天下郡國利病書在汝出州境上冀柴河南考
 畧謂在汝州與大隗諸山接皆誤臨汝崆峒不接其茨大

隗非清世宗敕禹州建逍遙觀於是山固不主汝州也南

五里曰殿山乾隆節志曰在州東曰相尖山圖善集成職

近殿山諺曰樓錯山又南五里曰橫山產煤其陰產印石色

白西曰化山南為朱家樓順治間朱家兒打虎救父毛奇

齡為作打虎兒行即其地也

崆峒山東三里曰愛鶴坪一曰艾河坪上有石砦明崇禎

五年土寇據之尉氏阮模開時寓大驪山陰與密令胡會

建計逐之而西

阮漢聞艾河坪詩艾家坪上事早策欲巢

新哭遂如問今日漆

其陰產五色石子大者如鵝卵小如

珠如貓眼如椽實光明潔滑如玉如車渠如瑤瑤以水浸

盆中五色繽紛可供清玩諺曰娘娘石又曰麵圪塔石道

家附會黃帝亦煮石為糧之意也

其白者間有黑紋肖樹

余在陽翟馬氏家曾見一石子小如椽子純白置水碗中

則中有畫紋一綠衣少將騎赤馬精細刻畫人之眉目馬

之毛鬣俱見

真奇供也又東七里曰書堂山乾隆邵志曰世傳古人

藏書處東而南轉曰白石砦曰梨鎗嶺曰老虎嶂曰貂嘴

山其下有石門寺今廢書堂河出焉為禹密間道

孫九同山川考

山最高處蹲一巨石遠望若髻諺曰媳婦頭山

又南六里有書堂廟踞河上殿閣

參差山揖水環水石激越如聆琴韻禪關幽寂丹客之所

居也

清劉玉威遊書堂山詩好向雲根探異書籃輿度處

不謂余其一問道仙翁白玉堂空廚但貯禹餘糧叱羊誰

在須求徑煮石何人欲覓方隱隱塵蹤尋澗道陰松影

治是春山望裏仙岩渺靄間貪看石皴蟠繡嶺乍從雲鏤

授枕聊贈短夢

又南六里東曰朶耳山上有元魏延昌二

年造像記名石婆曰其南水泉甚淺地名淺井

乾隆邵志掘地七尺

得水他處不能西曰青牛山又南四里曰小金山其東曰石坡山

書堂山東曰大鴻寨山昔黃帝臣大鴻氏屯兵於此故名

圖書集成職方典禹北四十里即具茨之別峯即大騮山

知州曹廣權禹州圖大鴻山即具茨山也山海經中山經

里曰大騮之山其陰多鐵美玉青瑩有草焉其狀如耆而

毛青華而白實其名曰蓀服之不夭可以為腹病又曰聲

石路史前紀黃帝訪泰隗於具茨一曰大隗後紀黃帝訪

大恢於具茨注大恢即大騮也具茨即為禹北羣山之祖

東西約十里東魏天平四年滎陽張儉聚眾反於大騮山

即此遠望之峯巒層出名景曰大騮層巒明徐明善大騮

濛翠欲流雨收石溜瀉林邱日光冷射層巒秀雲氣晴蒸

古洞幽訪道軒轅遺跡舊至人大騮有神留恍如遠眺匡

廬景擬欲巢松最上頭趙三聘詩大騮仙人何處遊軒

轅問道有丹邱千尋碧嶂冲霄起萬疊晴光映日浮鶴去

巢懸天際月龍歸雲度海天秋鼎湖已遠山仍麗呵護神

層在上頭李嘯雲詩山嵐欲濕彩雲蒸縹緲峯巒知幾

晴嵐闕珠宮春峯隨蓮朶鶴駕不歸來洞門為誰鎖其西

南連應山亦曰摘星樓其東懸崖欲崩曰捨身崖麻地川

西源出其間二峯皆陽陂陰峻壁立千仞清咸豐十年毫

揔西犯禹密築寨連亘二峯圍徑約二十里稱樂土焉陳嘉

桓遊大鴻山記自余居北望有平若堂銛若鋒者前後錯

曰飛雲崖繞而北望之平若堂者其主峯也兩峯夾立蔓
附駢植南峯自西歧出而東騫其陰壁立千仞北峯氣蘊
藉而博厚泉出其下西谷之源也循北峯而西其中清流
激湍澄潭淺瀨水石夾擊自然宮商空山無人忽若有笑
者聲啞啞不絕乃山雞羣雉與崖谷響應也其上土皆戴
石泉伏石根汭出不流林木葱蔚紅葉青叢與怪石隱映
望之矜矜如翻王叔明畫遂升其顛其陰深峭如南峯俯
視羣山競態呈奇平若臺者長若防者方若枰者銳若戟
者重若廠者圓若覆碗者蟠若龍者蹲若虎者猛若獅者
顧若狼者軒若鶴者伏若龜者翥若鳳者眠若牛者六辨
若蓮花者累累若蒲萄者其為狀至不一自外觀之但見
其幽麗不造其極不知其美富咸豐寇亂禹密為保兩峯
之間世知為大鴻若而已因認所得以詒世之好遊者光
緒辛丑其由麻地川西摘星樓南下曰花包窩再下曰鑲
重九遊

南三里曰大礮山

圖書集成職方典在禹州北二十五里

下有大礮泉元大

子背西通峪峪石山東連火石山又南五里曰喬龍山又

礮山人張克己之所隱居也其陰產硯石上產水晶南為

吧村亦曰八里村產陶土及煤鐵宋金東張鎮舊磁場也

近村人伐土尋古瓷器其五色釉彩元鐵冶所在焉

職方典鐵置鐵冶提舉司元朱頌東張鎮遷廟碑畧曰鈞

州治之西北三十里曰東張鎮

土產鋼鐵雅宜鐵甲充貢函人歲有常課贏為成贖虧則

致罰鐵冶所在焉河南北行中書省歲署人專司其

務今鐵冶所廢而碗缸間有陶者又南五里曰玉山產煤

諺曰虎脖又南六里曰朱雀山平地突起小阜也其由大

鴻山麻地川東南下初起曰牛心山再起曰白石崖又南

二里曰鶉鴿樓又南一里曰大石嘴稍西曰蓮花山花分

六瓣與莖為七有七溪為之界其莖北向鶉鴿樓其蒂也

王侍宴還疑是醉中摘一朶拋來此地便成山
下凡七重其麓為大陽山明李夢陽墓在焉
北平韓鼎業寓禹收骸骨葬之見王士禎帶經堂詩話孫
夏峯日譜康熙間劉玉威過襄陽逆旅遇一老嫗自言為
空同女孫口誦結腸篇按何景明有寄空同會卜居襄陽
五律是空同會居襄陽也劉湛襄陽遇李空同女孫訪
其先墓賦五言示之有明三百年空同擅詞場豈但詩人
秀直節聲煇煇當年籍北地家實居大梁後來瘞玉處乃更
日星輝煌當有山名大陽公墓在其下鬱鬱帶羣岡
吾鄉郡北三十里有遺莊子孫三四世梁土未曾忘曩時
至今具茨麓公仍有遺莊子孫不聞過墳牆更苦遭寇
河水沒梁民盡散亡公之諸裔孫不聞過墳牆更苦遭寇
慘墳土竟毀傷黃腸猶在壙遺骸棄山荒我友有韓子醵
金為殮藏前年學使者檄建公祠堂千秋列俎豆穎岸表
遺芳余也曾再拜題句揭前廊列狀鳴臺使求祀祠蒸嘗
今者宦湖南病告將北翔兒玉省我來取道適出襄突遇
逆旅媪乃能道公詳實公之女孫流傳寓此方詎公諱詩

篇尚能結腸且言公有孫媪之昆弟行向居朱亥里音
耗久茫茫兒來為余言感歎意傍徨歸途乃訪媪及其諸
子秋勤言公壘城麥飯久荒涼安得媪北返移居近塚旁
春傳正青山墓始彰今余愧非范立傳為公廳但念陽山
龍傳也倘欲望訪我能道汝得無道路長丁卯春劉玉
威偕空同甥孫孟仲昭謁大陽山舊阡詩吾郡大陽山空
同先生墓遺壙久荒涼誰向墳前顧憶昔遊襄陽解鞍在
旅寓先生有女孫白髮欣相遇灑淚問梁園家世一一訴
為我道其詳得慰平生慕今者遺嗣存遙認松柏路千里
一瓣香展拜隴頭樹覓碣洗苔蘇坏土寒狐兔徘徊夕陽
斜依依未肯去先生知甥來地下應悅豫歸去報萱堂為
道壙如故甥來即女來莫漫悲霜露何時重策蹇邀我還
一赴劉青蔡間張穉菴先生話大梁遺事詩驢壇老將
李空同家住曹門占巷東誰向大陽附孫九同山川考曰
杯酒結腸淒絕楚江蓬即謂此事也
大陽山在麻地川西喬龍山北誤其自鵝鶴樓稍東曰狼
山謔曰老狼窩南一里曰田家嘴又南一里曰連山又南

二里曰虎山又南半里曰龍山其陽明誥封御史馬安墓
在焉有塚巋然臨其前則後漢高祖李后陵也二翁仲左
右峙麻地川東西二源交滙於此其南二里小阜世傳為

李后弟李宏信堡其上舊有百靈廟陶人祀之有元張克
曰夫知者創物巧者述之守之世謂之百工煉金以爲及
凝土以爲器作車以行陸作舟以行水此皆聖人之所作
也州之西北二十五里有鎮曰東張古今以爲陶甄之所
其地東連大隗北枕大磡西接大仙南附杏山潑藍堆翠
不啻屏列所居之民皆以燒造磁器爲業乃所謂擬土以
爲器者其所由來遠矣是鎮金國末年最爲繁盛人稠物
存一幾有萬室市井駢闐不減城邑逮壬辰兵燹之餘百
百尺下爲水勢所奪人力不敵而弗可易得於是乎供公
之家薪以蒸用代燒變其磁之優比之他所實爲拔萃遠方
之人競來與取車載馱馱恆無虛日散而之四方者不可

勝計爰自破宋之後浮於類蔡達於淮漢誠百家必用之
物一日不可闕者也俾是鄉之民不耕不商而衣食自足
其潤民濟世之利不亦博乎比者馮亨韓相敬口口口張
松常德詣門來告於予曰我輩世業陶甄有本鎮德應侯
柏靈翁之廟聖之像乃司土工之神也願茲殿宇
嚴肅積有年矣閑閑公書額在焉於歲時致祭之餘我輩
欲樹一碑煩先生爲文一則表神明之功德二則彰官府
更張之善政可乎予曰文則吾不能乃心可謂篤於敬神
而不忘其本兼浮上之念善莫大焉公等乃具酒醴會
鄉人同業之願從者鳩工聚材而樂輸者衆噫聖王之制
祭祀也德施於民則祭之山林川谷丘陵陵民所取材用
祭之常以耀州黃堡鎮碑文考之德應侯乃宋熙寧間所
封之號實主山林川谷土地之神也柏翁者乃晉永和
口人耳諱林而未聞其字識土地所生風氣所宜授時
燒變甄陶之術由此匠者得法以廣其傳爲立祠堂設配
享於口口以報休功予謂諸子曰若輩求財帛於火燭之
中實賴神休暗保佑刻銘之心此固不言而可知請問更
張之善政何也公輩曰我等各家墀壇以爲器早作夕輟
不勝勞苦衣食仰於斯賦役仰於斯人事凡百皆取用於
斯日就月將久乃底藉逮夫開之川言取什一之稅

出賣於他方復以起稅稅之至元十九年故奉宣慰使司
割付宦貨客人起稅三十分取一為率至元二十二年又
准口口使州榜文仍革起稅重稅之弊此鄉之民受惠良
多斯不亦更張之善政乎先生生吾閭里此中事跡能曲
盡其故無怨見囑毋多讓為幸辭之不獲允嘉其用心之
良畧記其大概云爾時至元二十三年歲次丙戌二月十
五日馬亨其由虎山越麻地川東源而東曰鶉鵠崖西南
等立石

三里曰鷄山

豫軍紀畧咸豐七年六月土寇王二黨敗官兵於雞山是也

又西南六里

伏而復起曰棋盤山又南曰杏山產煤

太平寰宇記引洛陽記仙人劉根隱

居於此圖書集成

其東曰猿頭岡嶺水出焉杏山之南分

為三岡西曰磨盤山曰興隆岡中曰黃龍岡曰邵家岡曰

楊家岡東曰紅石岡白土岡逶迤起伏十餘里南達於

潁其址曰沙陀左傳襄公十八年楚右師城上棘由此涉

潁見水經注

大鴻寨山東下曰東華門嶺其長四里稍東曰大谷堆又

東半里為二谷堆又東半里為三谷堆又東一里曰箕嘴

山為石門南岸其自東華門東北下為播鼓臺下過驢馬

道曰石樓山為石門北岸石門者兩岸狹峙麻地川東源

經其間為禹密孔道南山鶉鵠崖北至驢馬道山徑險仄

馬不竝行南北十五里

中華民國十六年正月李鎮亞設禹密電線經此八月鎮亞軍自密

敗還梁冠英尾追

過此南次馬道

洵所謂一夫當關處也

嶺巖石了斑爛火前道荒僻水瀉聲漉漉蒼鬱林莽雜不
了樵兒腰鑷指南山中有白額峰且脈長車短轂去不得
樂府長歌行路難攜瓶索漿注爾鐵鑄嘖嘖時御火龍行
為若擁枝作繁榮亭亭噴血出天峯沈荃自密至禹度

大隗石門諸山詩策馬春山道和風拂面輕
瓣花不辨色谷鳥自成聲陟磴看雲立
捫蘿傍險行賞心逢勝地處處好題名
其一石密初無徑林開忽有天松杉高蔽
日棘枳暗藏煙金鼎仙人窟丹沙玉女泉
崆峒原不遠笙鶴去何年其二藍陽三月
暮花與石牀平暖日蟲飛亂空山雉離
清虛懷觀萬象靜理悟羣生溪水涓涓碧
相將濯我纓其三濟遠遊仍健探奇興自
偏巖陰藉草坐峯頂對松眠果摘青梅小
沙披錦石圓幽情正爛熳留賞未知還其
四入谷方亭午斜陽度石門雙崖出木末
巨壑鑿雲根潭黑蛟龍伏風腥虎豹屯
行人矜險絕相戒莫停轅其五聞昔巖
棲者閒閒物外情晨炊白石夜雨劇黃
精茅屋秋能補山田歲可耕追思離亂日
豺虎徧縱橫其六稍喜烽煙息翻隣邱壑
存年荒收橡栗日夕散雞豚婦子還相保
鐔車未敢論班荆話田父惻惻暗銷魂其
七谿谷行將盡坡陀只此爾僕夫告饑渴
我馬已玄黃落日平田綠孤城遠樹蒼
幽期還未卜回首碧雲長其八素友原同
調青山亦我私每憶謝傅屐幾醉習家池
吞草歸田賦秋風招隱詩橫雲足松桂好
共結蒨茨其九石樓山東南下為羊皮嶺
又東南五里曰土龍山其陰曰土門唐盧照

鄰墓在焉

唐書盧照鄰傳照鄰去具茨山下豫為墓偃卧其中著五悲文以自明是也

又東南

三里曰草谷嶺上有石壘

中華民國十七年三月土寇南煥文破其壘屠之死三百餘人

又南二里曰張山曰劉山復轉而東二里曰黑石山又東

三里曰獅子山

乾隆邵志曰州北三十五里象形

又東一里曰棗子山

邵志曰州北三十五里象形

又東南五里曰榆樹山又東三里曰諸侯

山世傳夏啟會諸侯處

清一統志在禹州西北四十里誤

其陽產青石伐

碑材者集焉又東二里曰靈山一曰丹鳳山產玉

山海經中山經

靈山其上多金玉其下多青雘其木多桃李

梅杏即是山也山上有祖師廟廟內皆玉苗

石樓山東六里曰尖山東北三里孤峯聳起高入雲表曰

風后頂水經所謂大隗山也

鄭三縣地西南屬禹東
南屬新鄭西北屬密
鄧道元注大騮即具茨山也黃帝

登具茨之山升於淇堤上受神芝圖於黃蓋童子即是山

也淇水出其阿而流為陂俗謂之玉女池
洪亮吉乾隆府
屬州縣志淇水

出禹州北大騮山東流達密縣新鄭
入許州誤其源屬新鄭不逕密縣
國語史伯謂鄭桓公

曰主芣騮而食溱洧韋昭注芣騮山名即大騮山也
按鄭
道元

以淇水所出之山為大騮即具茨蓋據最高之峯言曹氏
禹州圖以大騮山為大騮即具茨據最大之峯言山統名

具茨不能定其
何峯為具茨也
其木合歡
朱弁曲洧舊聞山有具茨寺其
二三月開花色紅而細俗
呼為槐三春按是合歡樹其菜蕨
組具茨山產蕨採藥者云其根即黑狗脊也按本草圖經
黑狗脊有一種乃蕨也具茨人雖採蕨為蔬茹然不知其
名但呼為小兒拳黃山谷蕨芽初長小兒拳楊廷秀小其
兒紫臂未開拳乃知蕨向有此名按蕨土人呼為拳菜其

藥猿
見前山
海經
其草烏頭
中州雜俎嵩山具茨諸山多有之
花開九月色青可玩人每植園圃

號鴛鴦菊取
其近似耳
其茶松蘿俗曰黃花幹其上有軒轅廟其腹

有黃帝避暑洞
清閻爾梅大騮山詩疊阜重岡互換生流
泉無數往來迎溝深仰見雲中屋林暗遙

聞地底聲馬走崩崖難放步
人居絕壑不愁兵潭魚野菜

尋常飫何事桃源漏姓名
余正華清明大騮道中詩
數春山一望迴石痕處處長
新苔遊人已入雲堆去騎馬

還從樹杪來幾片輕紅飛野徑
無邊嫩綠掛條枚峯頭欲

作清明雨且向前村問酒杯
劉光祺望大騮山詩軒帝

會經具茨遊鬱蔥佳氣望中收
君看絕頂風雲處應有仙

人在其山東北壁立千仞若削成
西南有山圍之稍陂陀

不覺其峻也清成豐間鄉人避亂築砦其頂但守西南一

隅絕境也
清成豐七年上寇王
黨山雞山竄此
有泉上下數池山南壁瀉

出轉東自懸崖下注是為淇源
火山之南曰走馬嶺
乾隆
邵志

曰州北三十五里其長十里登風后頂由之按以上諸山其陰屬

則屬新鄭陳嘉桓遊風后頂記余居北負具茨山東西

橫亘其最高峯曰風后頂水經注溪水所出之大驪山也

天欲雨輒出雲蓋時沒其頂云西南曰跑馬嶺跨嶺北陟

長十里西折而北一峯亭立是曰尖山環尖山而下阡陌

縱橫竹木繞屋淮南雞犬儼然天上東北孤峯屢屨斜倚

天際則風后頂也頂有石保保內有泉仄出蓄為數塘南

瀉出保東折而墜諸崖其韻鏘然不知幾千百尺也是為

溟源越塘歷唐李播祠凌絕頂雲忽生山半大風駭矚猱

騰驥奔須臾四合雨灑衣袂但聞人語咫尺莫見已漸下

垂獨露一角衆山皆沒潢洋浩渺平鋪無垠如孤舟泛大

海吞吐蕩瀟不知所屆余前歸日本過神戶登摩笄山俯

瞰太平洋波濤卷空挾山欲走旁唐日光風颯上下恍再

歷其際也頃之雲散北顧黃河明滅一線右瞻二室近通

呼吸左觀溱洧縈回若帶前列羣山盡兒孫矣乃東下入

澗內有石門保東門也出門南北巖相去以尺數由澗腹

盤而降澗盡東折豁然開朗仰視悉絕壁下瞰屋若窺樹

若薺人若蟻震眩欲墮亟廁足向壁立拔地盡起無羣峯

擁其趾故絕可賊也名山如聖賢豪傑不輕示人窺測不

東下惡知碧嶂千尋拔見數百里外蕩精巖神有如是也

北壁縣崖為軒轅避暑洞其西山腰峯迴處為南崖宮祀

黃帝岐伯雷公世傳黃帝登是山升於洪隄受神芝圖於

黃蓋童子其在是歟憚其險遙矚而已下憇古禪寺寺踞

溪上廊道元所謂溟水出其阿流而為陂俗謂

之工女池也宣統三年上巳與趙子璽堂同遊

尖山東五里曰雙嘴山禹新鄭間道也中華民國十六年三

其潰軍族長劉理亭具茨河出其南又東六里曰官山一

由此竄禹降李鎮亞顧祖禹方輿紀要曰在禹州東北蒙

曰觀山諺曰老山坪古敗金兵於三峯追獲其將移刺蒲

阿於官山其南七里西曰龍山東曰踞山又南二里曰老

斬之是也

龍山明周恭王墓在焉是曰前灣圖書集成職方典恭王

墓在禹州東北三十里

隗山其南為無梁廟產石灰

原

觀山東五里曰太白山

曰明山乾隆部志曰州東北五

里又曰州東北明山

有南北兩崖北為大太白南為小太白圖小紅河出焉明

書集成職方典太白山與大鴻寨山接誤

周定王墓在其下是曰後營清趙賓具茨山經舊藩周王墓詩麟麟十里曰青藤隧道

年深石柱崩過客無勞生憤瀨秋風草滿漢諸陵其一盡

砍松杉剩井幹影堂無復玉欄干傳闕更有傷心事泉壤

空藏舊石又南三里曰雲斗山諺曰雪落頂乾隆邵志曰

山先出又東南二里曰傘蓋山明周端王墓在焉是曰中

營又南四里曰黃山乾隆邵志曰州東北四十里

太白山東八里曰茨山諺曰酸棗林又東二里曰油雙山

又東四里絕而復起曰陘山西南屬禹東南屬長葛北屬

南舉一隅而言後漢書亦曰邢山南有雍氏城北有樂口

古為南北要塞清乾隆前京漢驛道出其間戰國策蘇秦說韓王曰韓

南有陘山史記魏襄王六年伐楚敗之陘山又秦攻陘使

襄鄧皆羣山綿亘故昔以陘山為南北之險塞讀史方輿

紀要清一統志謂左傳隱公十一年周以陘田與鄭僖公

在河內西北三十里一名丹陘非鄭之陘山也齊師次陘

杜注名陘縣有陘亭由蔡至名其上有子產墓賈氏說林

陵甚近必不西北繞至陘山

子產死葬於邢山水經注山上有鄭祭仲冢冢西有子產

城晉書杜預傳預遺令曰吾往過密縣之邢山山上有冢

問耕夫云是子產之冢其造冢居山之頂四望周達連山

體南北之正而邪東北向鄰城意不望本也其隧道惟塞

其後而空其前不填之示藏無珍寶不取於重深也山多

美石而不入世用也君子尚其有精小人無利可動歷于

而此石不入世用也君子尚其有精小人無利可動歷于

載無毀儉之至也瑯嬛記子產死冢無餘財子不能葬國

人哀之丈夫舍瑛佩婦人舍珠下以賻之金銀珍寶不可

山縣志

卷三

山志

隱居處也清咸豐間三縣居民築砦圍其腰周三十里寇

不敢犯西南二里曰紫金山乾隆邵志州東北四十五里

圖書集成職方典在長葛西五十里與禹州相接小洪河發源於此誤具茨山脈至此

始盡東西約百里又南二十里平地突起一阜曰馬蹄山

其上有子產廟諺曰高廟清咸豐四年劉化鎮因官加賦

具茨山之麓曰雞山東南五里曰賣家岡其南四里曰三

官廟岡東側宋蔡確墓在焉是曰蔡寺黑水河出其西又

南三里東曰牛蹄山西曰老將山其間有泉曰白鹿泉黑

水之源也泉上為明御史劉調羹墓西南三里曰石人岡

其趾明馬端肅文升墓在焉圖書集成山川典具茨山考

明馬端肅文升墓在州北十

五里具茨山麓敕修明王尙綱馬少師墳上詩展墓春風

一望多杏山秋水入吟窩少師勲業穹碑在千載行人仰

伏波其南曰邊岡又南曰卧龍岡蜿蜒迤邐十餘里至明三

邊總督董世彥墓而墮於潁牛蹄山南三里曰六盤山乾隆

邵志州北八里膠泥岡北上有水泉沈荃六盤山詩峭折

千盤上微茫一線通馬嘶清澗底人語翠微中仰面峯疑

墜回鞭路已窮松間東折曰霸王岡左傳宣公十年晉逐

楚師於潁北楚莊王駐兵此岡故名乾隆邵志相傳項

羽會戰於此無據潁溪水出焉其上有五龍廟中華民國十七年三月初八日

廟匪倡亂攻城聚眾於此越十二日邵志所謂上有水泉是也東南七里曰八里岡又東

南十里曰馬家岡乾隆邵志州東北十岡東有漢郭嘉故

里其鎮曰郭連又東南八里曰孝岡漢黃香墓在焉故名

又東二里曰金牛山晉褚元穆公哀祖墓在焉其村曰元

穆乾隆邵志晉元穆公褚季野所居在今州東有二翁仲俗名石人岡又東一

里曰黃臺岡金元好問樂府有驢猪行自注黃臺張氏莊作沿山蒔苗多費力辦與豪猪作糧食草庵

架空尋丈高擊板搖鈴鬧終少孤犬無猛噬長箭不暗射田夫睡中時叫號不似雞豬似稱屈放教田鼠大於兔任

使飛蝗半天黑害田爭合到渠邊可是山中無橡尤長牙

短喙食不休過一林無禾頭天明隴畝見狼藉孺子相看空淚流旱乾水僅年年日會計收成纔什一資身百備

粟豆中儲石都龍幾幾直兒童食糜須愛惜此物羣猪口

中遣縣吏節東魏黃臺故縣在其陰魏書地形志陽翟郡走銷稅籍

注赤澗水經黃臺岡下又歷東南流太平寰宇記云在陽翟縣東北四十里方輿紀要同乾隆邵志以為在州

東北三十里又東二里曰七女岡水經注皇陵水出西北黃臺七女岡北南流逕胡泉

城北是也方輿紀要七女岡在其上有七娘塚塚西有七

州東北三十里下有七女泉

娘廟詳古蹟志又南十里曰瓊城岡乾隆邵志州東三十里高二十餘丈延袤五十餘里

環抱州城境內之形勝也古一曰堊城岡乾隆邵志州東

有城岡之首者故曰瓊城

望又南三里曰陽陵南臨潁水左傳襄公十年楚子囊救

鄭諸侯之師還鄭而南至於陽陵與楚師夾潁而軍鄭宵

涉潁與楚人盟即其處也江永春秋地理考實陽陵今在河南開封府許州西北按許州

西北當指黃臺七女等岡去自六盤山起至於陽陵環城

潁尚遠恐未能宵涉潁也

北東二而復東南達許境迤邐百餘里統曰大陵左傳莊

公十四年鄭厲公自櫟侵鄭獲傅瑕處也左傳夏啟有鈞

秋左傳補注汲郡古文曰夏啟元年帝即位於夏邑大饗

諸侯於鈞臺歸藏成帝曰昔夏后啟築享神於大陵而上

鈞臺故曰鈞臺岡曰不吉連山易曰成筮享神於大陵之上

鄆道元曰即鈞臺也大陵屬山無疑京相璠曰潁川臨潁

山志

系

縣東北二十五里有故巨陵亭古大陵也厲公自櫟侵鄭詎東南遠至臨穎

右穎北之山

穎南之山自北而南首曰逍遙山諺曰界牌嶺乾隆志

六十里白沙鎮北東臨穎水北與黑龍山對峙其陰有漢

中郎將摩崖碑道光朱志曰已佚近白沙楊氏得之穎濱

居乳十一字長沙曹廣權題辭青陽司令歲戊午逍遙山

將衛堅又黑袁平王居乳剝落殘碑譯漢隸悅惚嚴辭讀

石鼓三行赫蹶墨瀋幾點晨星留碧宇無何淺井石婆

曰寶氣亦乘秋月吐縱橫字露剔蘇若誰令鬼守靈棒莽

延昌造像信有徵元魏故物獲快觀方生珍重不遺遠謂

余老眼頗好古試染毫翰述顯晦他日邑乘供拾補賸以

元氏兩墓志並憑驛使過淮浦我聞北魏新碣多爭入東

臨淮穴石欲有言亡頰輔昆明池竭劫灰寒茂陵盃向人

閱聚鶴蓋不思新犁田安是數釣臺且喜雙

根敲火至今無牧豎對此西顧空吟哦我似昌黎涕如雨

桑宿塵緣不可續長歌當跋寄縷縷漢中郎將墓在焉嶺

何以副之射陽石嗚呼畫像見尼父漢中郎將墓在焉嶺

上有觀音閣清劉玉威登觀音閣遠眺詩山半層樓起遙

蹄轉客因茶竈留千里其陽有白沙書院踰嶺為馬峪川

訪隱跡此地有巢由

白禹登孔道西北通二室抵輟輟白穎入洛之路也曹操

迎獻帝於東都遷許由此中華民國十四年二月胡景翼

使部將李鎮亞馳登封遣兵守白沙鎮亞兵間風潰走胡軍由此

虎臣樊鍾秀集重兵攻白沙鎮亞兵間風潰走胡軍由此

入洛鎮亞降焉十六年三月樊佩孚南走鎮亞駐禹使其

旅長薛宗五屢擊佩孚部將孫建業於此斃之八月韓復

榘攻鎮亞自東南為白沙鎮元鐵冶所在焉舊駐外委一

洛由此進兵貴州金長宵司羅承菴僧楊應祥編建文

賈明正統中貴州金長宵司羅承菴僧楊應祥編建文

詩遠岫入青巒寒流依白沙芳洲時弄鳥深塢晚藏花
南
燈轉千迴迴蘿垂百道斜霜姿絢染異萬壑總成霞

二里曰中道嶺塢子溝水出其間東有明循吏劉綱墓道

遙山西南四里曰小陽坡又南一里曰大陽坡又南一里

曰五旗山劉玉威白沙書院講堂記所謂五旗山在其西

則旌旗壁壘紀律森嚴若文之堂堂正正而暖日動龍蛇

也一曰巫髻山乾隆邵志州西五十五里形似之孫九同
山川考引舊志云與石門寺山形相似

產煤鐵其東三里曰小南山東南二里為黃綠坡又東二

里曰牛領頭又東三里曰峒山乾隆邵志州西北五十里
平地小石山嶠然而起

五旗山西南九里曰龍頭崖又南二里曰白麻子樹嶺下

有海棠泉其東二里曰中心嶺又東二里曰火石坡又東

二里曰天台山諺曰尖山崖西有滴水潭乾隆邵志州西
七十二里半崖

滴水山下成潭西北
注例流河入馬峪川其南三里曰沙石嶺產煤鐵嶺陽曰

三古洞管水出焉中華民國十六年十月土匪圍三古
洞砦七日砦內擊退之殺寇數十人又

東六里曰三磴山清一統志州西五十里山高低若三磴
上下俱有龍潭又言又西為接御山誤

按接御山在義
讓里九甲見後大溪水出焉產煤銅有銅鑛廢洞數處諺

曰風洞又東三里曰雲頭嶺東南七里曰紫金山

白麻子樹嶺西南六里曰平頂山其東五里曰鐵立石坡

產煤鐵平頂山西南七里曰屹塚山其東六里曰接官亭

又東七里北曰羊皮嶺南曰杏山其東曰尖山產煤又東

八里曰方山乾隆邵志州西六十里其山方而平圖書下
集成職方典方山有太尉冢柏樹猶存

有羊背嶺虎蟠嶺乾隆邵志州西方山下其陽為方山鎮管水自西

繞其南禹州州判舊例駐焉東南八里曰瓦礫岡乾隆邵志小坡

山下有瓦礫泉乾隆邵志州西四十五里瓦礫岡下北曰蠅子岡乾隆邵志瓦礫岡北

又東南四里曰尹岡中華民國元年二月土寇李鳳朝劉安被其寨又東南六里

至湧水北岸而止

屹塚山西南十二里曰大雄山禹臨汝登封三縣分界於此自大雄山而北左屬禹

右屬登封自此而南左屬禹右屬臨汝為禹西祖山亦曰大洪山乾隆邵志州西八十里

其最高峯自西北而東南約長六里聳立雲表遠望形

似太室清咸豐七年七月土寇王二黨出風后頂竄大自

東北而下山徑懸崖上有危石層立迎風而動諺曰鬼推

磨東下南折三里危峯聳峙峭銳若削曰摘星樓西有長

老庵湧水出焉南下三里有阜曰破荆梨南至馬墳而盡

摘星樓東五里曰圪墘塚又東一里曰木蘭園又東二里

曰牡丹坪產方鉛及銀明萬厯間廢鑛猶存近有采者以鑛苗弗旺而止又東二

里曰朱耳山產水晶徽莊王墳附近最多狀如竹筍外包礪石折之有褐色者其北曰

馬子牀曰琥珀嶺南曰保安山中為石峽峪明徽莊王墓

在焉如尙氏祔明張鯤敕修徽王如尙氏墓記正德丁丑秋徽王如尙氏薨訃聞諸上上為哀悼既

諭祭乃敕工部修其墓于時司務劉玕實承命督役事比至王廼遣承奉王禮偕焉度地若干畝鳩工聚材量功命日乃事事又明年落成築重垣若干堵門三間甃以磚石計經久也儀門如門數焉覆以琉璃壯觀也香殿五楹奠厥中潤七丈深半之亦如儀門之覆焉廉陛檻級森然有條東西序十楹翼如也其他呂儀有所宰牲有堂碑刻有

樓蓋表裏乎兩門間也坊碑石製崇中卑旁適當神道后
先掩映金輝碧煌盤盤困困極一時之麗也已既而王廼
遣官加幣命鯤記之用昭後來鯤不敢以不文辭廼辭幣
而記之按墓去郡西九十里許左襟琥珀嶺右帶保安山
後枕摘星前憑馬鞍中名石峽峪者墓之所也遠眺則蜿
蟻扶輿磅礴而鬱積所謂中州清淑之氣於是焉窮者墓
之葱佳也即之則四圍碧護萬木雲挈若俯若迺若劍若
戟其下澗清流駛映帶左右聽之淙淙然若琴瑟墓之
形勝也嗟乎地呈其秀而人力極之可謂天授王者之藏
也妃之靈不盡散者將不於是而安耶春秋香火尚虞不
得其所耶雖然此記也特書修墓之故焉爾若夫妃之世
系著於臨穎表表在人及其幽閒貞靜之足以化今傳後
載在志石若碑者茲不敢贅第是墓也君子以為有四德
焉我徽王擇人孳蔡頴開賢妃樓神之地仁也聖天子遣
官敕修以昭當代親親之典義也珏也禮也督役事必美
而後已忠也妃之薨足以致此三者畢備而不遺賢也仁
義忠賢謂之四德四德具則人道畢順之基也明神助之
萬世昌哉可訓也已於是乎書正德十四年季秋七月丙
辰日 其南為下官司嗣王徽簡王墓在焉又東二里曰馬
立石

鞍山

乾隆卻志以為即陞山誤甚朱志疑其非未能考馬鞍山所在也

又東七里曰犁堰

山東南曰檀山又東三里曰大坡山又東三里曰磨石山

又東二里曰范溝山又東三里曰押坡山又東三里曰文

坡山亦名大洪坡又東抵瓦礫岡

以上諸山皆在湧水北自大雄山東北分支

大雄山自東南而下其長六里峯巒參差聳峭自東望之

其口如半月日月牙口亦曰偃月山

太平寰宇記引洛陽記云山形似偃月因

以名禹汝間道也南下為界嶺禹汝分界處其東三里北

曰斗坡山曰半落山曰尖山南曰大忒山曰雪山又東八

里曰瑪瑙山西有白龍泉泉上有白龍寺南五里曰九子

山曰蔡山其東為夫子廟產煤又東一里曰岐山諺曰天

王山又東二里曰上南崖又東一里曰下南崖又東南三

里曰官山其南曰石龍山其東南曰駱駝園中華民國十六年八月民

團團長閻景福勦寇死此又東二里曰犛牛嶺又東一里曰碗藥山產

陶土神屋磁場取土於此又東一里曰朝山亦曰玲瓏山其陰崖石

聳立高數丈東西約百步崖腹多窟大者如屋中刻佛像

下為清涼寺明改輯山書院後復為寺今日玲瓏堂北臨

湧水清一統志山石鑿空如雕鑿然圖書集成職方典石玲瓏山腰有石洞嵌空幽邃明張鯤建書院於其地

崖石皆鍾乳玲瓏斑駁水能上升崖半有洞深不可測內

有泉下滴蓋乳泉也其西有水曰池溝自上下駛為懸瀑

遶門前東流種蓮與稻田春徂秋莖梗乃結為石取水申

石碎之內悉木葉草根層疊凝結清道光間知州朱煒題

曰鈞天勝地清馬淑玲瓏山詩靈境何年造應由大劫成天開曠土目地駐法王旌壯水鑄山骨枯枝

繡石鯨洞中深莫測肯許世人行知州史廷桂遊朝川畫

飛勢全疑鶯嶺峯水洞神工斧鑿陰崖滴乳競玲瓏歸

來苦憶青葱色也種齋前幾樹松濬縣孫至誠玲瓏山

遊記禹縣城西羣山糾紛岑釜駭駭蔽虧日月號為靈區

然意亦少之蓋乏媚川偏側轉騰其問以極潤秀之觀耳

已未秋偕仝君子範魏君性甫循湧河西行近城可五十

里而河旁有磊石以樓遷焉廟宇闕茸僅存矮垣再踰便

帶湧河旁有磊石以樓遷焉廟宇闕茸僅存矮垣再踰便

披蘿攀登下臨無地全山在望旁脫巖石崔嵬欲墮如獮

鬼如老人如巨象谷風水響相應和耳目為之爽霍意者

山靈馮夷其羣居于此乎下有池一水深色碧由暗竇達

河浮萍布獲畔生青苔綠駁陸離如夏鼎商彝盎然古色

更西入便門蒼鬱陰森則輞山書院舊址也有石刻曰鈞

天勝地山麓一廟就谷落成內藏六律石磷礪有瑩光庭

寫原志卷三山志

前小方池三一供飲一濯手一浣衣均可達池山形至此
廟十數點綴其間饒奇麗之致銀杏樹二矗入雲際與東
則筓呀豁間有瀑布懸焉踰波趨泥如躍如奔臨坻瀟灑
如墜如跌碎磅訇磕如怒如鬪其聲如歌如語如泣如叫
響聞十數里又此山之餘韻也竊徘徊久之意相中矣至
誠素有幽憂之疾方將治之未得其所冀逃禪游仙庶幾
墮其天袞解其天張以快吾志馬枕石漱流如此足矣要
之來者豈今日之論乎閻君介臣以山少文士詩詞用相
命爲記并刻石其上

又東二里曰尖山其東北曰青石
巖曰半山東南曰石崖山清一統志州西四
十里臨河壁立東南六里曰

翟山宋梅堯叟陽翟山種藥詩雲外陽翟山實與嵩少接
山中採藥人能自辨苗葉當須鬪其根以遂素所愜

野擗包舊土遠置風捷故本舍新芽枯蕙帶空萊植雖
乘地勢培壅得專輒冬誰論臭香春定引蜂蝶豈惟識草

木庶用補羸菊按堯叟此詩當泛指禹境之山非專屬
翟山姑注於此以上諸山皆在湧水南自大雄山東南分

支 又東五里曰范岡乾隆邵志樊家岡
州西四十六里 又東四里曰韓岡

又東南三里曰毓秀岡又東南二里曰方岡中華民國元
年二月土寇

李鳳朝劉安 又東南七里曰劉岡又東折至桃花泥溝附

三峯山陰迤邐十餘里至梁北西始盡其陰有嶠泉水經
注曰

嶠水故瀆時 明馬端肅文升致仕明農處曰觀耜園

界嶺南三里曰九盤山其東曰大嘴山又南九里曰小頂

山禹郊由其下有石洞五洞各出泉曰五龍泉東三里曰

金山嶺又東五里曰龍華山上有玄帝廟諺曰磨窩山中
華

民國十六年十二月除日民團軍借產煤及碱白色陶土
白色陶土
國民軍攻寇壘爲寇敗退歸文殊店神埕白色
碗藥取此遵生八牋引天工開物白瓷論云凡白土曰堊
土爲陶家精美器用中國出惟五六處北則真定定州平

涼華亭太原平定開封禹州南
則泉郡德化徽郡婺源祁門
其東為大澗產煤最富又

東北六里曰佛耳山
清咸豐七年十一月汝州土匪蕭況由風后頂轉走大雄山德標額追敗

之佛山
是也
產煤及銀舊有廢鑛諺曰銀洞又東八里曰接御

山諺曰瓦山
乾隆邵志州西五十里又名鯽魚山以山形似魚故也藍水經其陰上

有賀廟寨
中華民國十七年五月山寇賀小和其寨人也國民軍師長趙鳳林破之北為白廟

山其東曰文殊店西山之門戶也山寇東掠出入由之

小頂山南六里曰牛心山東三里曰大風口山東南二里

曰牛脛山東北六里曰牛頭山又東北六里曰雲蓋山亦

曰夾龍山
乾隆邵志州西四十里其南為獨山為玉泉山上有跑馬

泉
方輿紀要州東北四十里誤其西曰五德泉烏水之源也南曰石圪

節藍水出焉水經注藍水出陽翟縣重嶺山即雲蓋諸山

也又東五里曰老龍山又東三里曰駐駕山其陰宋蔡文

忠齊墓在焉地曰蔡寺
張方平撰神道碑銘尚存明知州劉魁題蔡文忠公墓詩刻石偃卧

田中其詩曰景德當年寺文忠此日墳人知崇異教誰解

愛斯文舊塚憐新雨豐碑切暮雲彈琴過桓墓可有劾殷

勤又東五里青山一角孤峯插空是曰角子山其頂有雲

峯寨
王女瑞萱雲峯寨記雲峯寨踞角山之首廣約七畝環不足一里居民數十家草廬百餘間昔年避亂皆

保於此丙寅三月某日登焉出門迤南折西約三里抵寨

寨多碧草紅花行者礙足間有小礪癯似鹿肥似豕又有

石池處寨中央巨石以為底其水冽清其波縹漫直視無

礙投小石如碎玉擊琴莓苔浮其上池之大不能一畝也

立寨東偏下視其石深峭若頽額或矗立數仞或突

怒偃蹇或如衆牛競飲於溪其花草與山升降遂出寨數

十步至銀洞口狹六尺內行數步忽寬忽細行盡處裂口

大若乍舉竿投之不知其遠也上距銀洞八尺有大石焉

石上生紅金針當春夏蔚然其花繽紛如碎錦傳視飛鳥
惟見其背喧聒黃綠叢中似與遊者相共訝其險也由銀
洞南行斗折蛇距溝數十丈有一夫當關萬夫莫開之勢
十步九折縈巖繞巒曲如螺旋峯尖石碧多似琅玕琢之
磨之輝光可愛其色雜亂上有紋如雲柏飛鳥走獸等狀
還登雲峯寨遠眺大野近望羣山遊目騁懷足以極觀聽
之娛信可樂也昔者孔子登東山而小魯今登此山亦小
禹也乃為之詞以壯之曰登臨雄盤峭傑參天猿猴欲度
皆愁攀緣仰之彌高鑽之彌深曰黃華山下產乳石皆由
彌堅勇夫重閉仁者樂山
草莖木葉凝聚成石間有魚鱗鳥雀化形用水浸之良供
清玩但封以厚土不恆得也東北下曰牛胆山東阿水出
石罅名曰石泉夏秋倒流成港冬春水落華猶盤陀水色
清冷直視深黑其味甘冽雖大旱無涸時北連禹山
魏書
志陽翟有禹山祠乾隆邵志州西南三十里方禹祠在其
輿紀要云在州北誤道光朱志列二禹山亦誤

陰宋元豐間重修

濟縣孫至誠自禹廟西行紀遊竊謂瑤
草琪花幽泉怪石皆天造地設以娛雅
士庸衆不得與也莊生曰瞽者無以與乎文章之觀聾者
無以與乎鍾鼓之聲豈惟形骸有聾聵哉夫知亦有之蓋
天地靈秀闕而不發惟智者視於無形聽於無聲始為軒
露耳蓋自謝靈運作游詩柳宗元荆游記山水之樂於是
稍稍染濡於世人耳目矣余負笈來禹徧覽雲峯禹山諸
奇勝復於三月一日偕王子仲珩怡庵躡躡禹嶺頓踵逾
山歸然廟無雄踞山寥呼鎖黃冠從西便門入闐然幽雅
碑碣槐立惜文辭擷陋不足摩挲蜿蜒而前攝齋升堂闕
開瞻覽曰禹王廟野花雜發鋪蔓草而成茵山鳥亂鳴隨
人語以答籟四圍石欄凭倚遠眺山色村煙羅列目前共
償其幽清雅可讀書愛戀已旋磬掉而出道人邀我過
臨邛迤迤而下犬吠在門意似迎客入其肩居清談移時即
辭出覓路而西邱岡陸離上下為勞山花搖颺綠徑葳蕤
隘途蜿蜒臨地丈許俯瞰藍水清冽異秀三數人影倒布
水面流執擊石噲吟有聲漸西行濱河畔有樹環焉有泉
懸焉則楊樹圍村也趨訪陳君雲棠藉晤王君畫三設茗
廬語登高極目雅談風生逸興虹飛矣復循河而西繞王
君塾舍前臨清溪水色一碧荷藻微動有類魚游桃梨夾

岸艷色入瀨錦漪可觀花香水氣清濃蔚勃澈人補肝乃
蹲弄流水濯巾沐面前脫塵垢意甚得也鯨看魚躍情同
莊生西顧霞落憶及王子矣即剛忒度梁而西雜花滿樹
翠苗盈疇蒙絡播綴行覽忘倦縣流之聲音韵清越犯沱
旁午蛇行曲折河底布石若斷齶相闕極奇麗之致遙望
竹篁如羣人比立以時促未得窮其廻谿遂南旋放浪野
苗間抵山麓共思競步直攀山巔氣喘汗下迺樓遲焉吾
心清虛不雜聖罔不艱也
易也踰山而歸全子子俯臨焉水晉庚袞之所保聚也今
範詢及游興記述如此

曰庾塢

詳見

其陽亂石碁布形似太湖諺曰亂石跑

王禁林馬

山亂石跑記立吾小瑯嬛洞上而東北望約里許有地曰
亂石跑在禹山之陽東距山首二里而遙西距山尾三里
而近石所距地約十畝諺謂數多不可條理者曰跑如云
亂跑絲窩是也禹山之石皆紅與白而此石則離出土上可推可
之石皆盤根土中牢固不動而此石則離出土上可推可
輓疑此石或來自他處也諺謂之跑石跑亦跑之意也石
之大者以丈數小者以尺論企者俯者立者卧者規者矩
者曲而折者廉而隅者窪者隆者輪囷者玲瓏者奇者

駟如犬羊或猛如虎豹或怪傑如鬼或奇古如仙或偃蹇
如貴官或偃偻如老儒不名一狀而相摺挂每雨潦則水
濺濺從石罅中亂流而出迤西者入黃龍池池小不容斗
其水清潔飲者甘之石繡白華更生綠苔與青草掩映然
則此地亦遊山者所必賞也乃近吾居若此其甚而曾不
一念及之人情忽近不其信歟因讀
烏水環其北又折而
經其東藍水帶其南山川盤互萼跗駢植四圍若城豁然
開朗其間為栗子溝王氏居之成聚有何陋居畏秋樓小

瑯嬛瓢海柳塘竹坡石瀑

諸勝

王禁林自題何陋居詩環山十里盡園牆風有清聲

月有光故鳥歸林千種轉閒花開遍四時香晴雲冉冉霏
窗戶雨水深深漫野塘更喜天然圖畫裏牧童點綴幾牛
羊何陋居內外即景白雲深處隔紅塵野鳥聞花結比
鄰絕境一邱一壑地舉家半讀半耕人范蠡底事頻求富
叔向若來定賀貧五柳先生能白贊無懷民與葛天民尋
得桃源到此問黃童白叟各仙班琅玕竹映琉璃水潯纒

花開旖旎山是處風光俱入賞由來富貴不如閒偶成詩
句雙存稿容待推敲未忍刪 卽景應時一雨病苗蘇
笠人皆入畫圖野草怒生青未了晴雲欲散澹如無
呼吸通中岳石古玲瓏壓太湖消夏最宜真率會小
足笑提壺 何陋居題壁修竹新荷好納涼不從人世問
蒼黃瀑泉翻白感時雨樹葉漏紅窺夕陽曲趁崖頭花
塢斜隨山脚石爲塘鳥聲多與幽心會領畧書香更
不費一錢買小邱風光本地足優游神仙種子書中
字匠工棘上猴疑有辯言投狗骨傳來謠說爛羊頭
送出漁郎去分付落花逐水流 題飄海挹彼注茲得
何畧儲新雨養新荷休嫌海竟如瓢小不測水原一
拳石少栽應作島芥舟雖盪未生波莫愁瓠落無容
納袖中有老坡 山居消暑漫詠慣向雨中看瀑流山
長夏更清幽柳黃擬擊尺三壤荷淨信居丈八溝半
塘深滿水九分圓月淡明樓涼風吹送羲皇上底是
自惹愁爛縵閒花滿道周綠陰深處任句留瀑吼雨
峽水風吹雲散四山秋老鶯猶是嬌啼樹殘月依然
樓嵇康枉自矜疏懶輸與牧童倒跨牛數家烟火在
瀑布聲長幾度聞晦日又淋騎月雨晴天還養坐山
花無主荒荒放香草向人故故薰靜對方塘觀物化蜻

亂點水成紋濃雲飛靄淡飛煙芳草叢中瀉石泉白雨跳
珠方滾滾青荷張蓋故田田有愁不訴長眉佛無事且爲
赤脚仙信自傾身營一飽竹林畫肚仰天眠 山居卽景
秋雨初晴日又曛暉然天地兩氤氳小瑯嬛北折西去雲
山作雲

牛心山東南十里曰大劉山 水經注汝水下扈澗水北出

山崩其南曰小劉山屬郝 中州雜俎郝縣有大劉山小劉

是也 武駐兵之地 亦曰留山 恆山公武仙屯留山卽大劉山

也 又曰龍山 龍山在州西六十里其土可陶 產煤騶虞

河出其陰以明永樂二年獲騶虞名其陽獲騶虞處有周

藩世子神屋山神廟記石 明祭酒胡儼騶虞賦並序永樂

朝休嘉之徵其儀穆穆臣民聚觀莫不忻躍贊歎臣儼謹
按詩序曰騶虞鵠巢之應也格物總論曰騶虞似虎白質

黑文不踐生不食生物日行千里人君有至信之德則
應之瑞應圖曰麟不食生物日行千里人君有至信之德則
見凡若此者在昔徒聞於記載未若今日之觀其盛美焉
蓋由聖天子德備中和建立皇極敦叙九族蕃育羣生之
所致也臣儼獲際嘉祥不勝慶也謹拜手稽首而獻賦曰
惟皇仁之博均覆載於兩儀揭日月於中天昭運化之
重熙九族翕以雍睦萬彙燿而增輝曰夔邦與蠻貊皆稽
顛乎赤墀天地氤氳川嶽鍾靈迺產異獸魁然其形質
皦而霜白文鬣鬣而雲蒸目熒熒以夾鏡尾搖搖而參身
見周南之山谷乃鵲巢之休徵從二虎以爲衛豈百獸而
向羣不食生物不折柔莖動則千里嘯則生風狹狹屏其
醜類麒麟協乎至仁息不蔭乎惡木渴不飲乎穢津隱巖
轡之煙霧遠林麓之煖塵於是虞人告祥喜溢藩王爰命
輕駕八鑾鏘鏘翠蓋蕤錦旗悠揚網緣長坡委蛇重岡
陟險巖披蒙茸列羽騎騰飛熊兔潛形於三窟猿龍嘯於
孤峯風泛條而蕭瑟月隱霄而朦朧徘徊於四顧蹠蹠微蹤
衆禽迴翔百神護從願效奇於靈囿遂託身於顯融長
林之廖廓就廣路之豐隆羣邪爲之辟易壯士爲之改容
乃獻金門乃陳丹陛王拜稽首天子萬歲天子曰嘻惟王
孝恭殿彼周邦光照故封行通神明福祿攸降故茲歌之

時出其令德之所鍾王曰天子爲天下君乃聖乃神乃武
乃文功光祖考恩洽臣民德至鳥獸澤洞幽冥和氣薰蒸
塊北無垠惟以和而召和故諸福之畢陳景星爛兮璀璨
卿雲紛兮輪菌禾異畝兮同穎麥兩歧兮並芬文禽青兕
重譯效珍赤隄白象萬里來馴矧茲獸之攸攸皆聖化之
所臻未儲精於玉燭已垂象於蒼旻於以昭至信揚德馨
表聖知協義聲殆天以彰聖人明明之治豈藩國之所敢
勝況於是時器車出而朱草生甘露降而醴泉盈角端見
而長庚呈山嶽呼而鸞鶴鳴與騶虞而並耀垂不朽於丹
青波林氏之五色暨鑿山與瑯琊徒傳聞於載籍嗟歲月
兮已賒孰若今之昭昭應實祚之靈遐乃有詞臣載筆鸞
坡爰效詩人形之詠歌歌曰吁嗚嗚兮祥風興履澤地兮
兮逼不驚黑章繞兮從百靈王用躬致兮歎天京咬咬穆穆
食不生參二虎兮從百靈王用躬致兮歎天京咬咬穆穆
兮其儀貞鵲巢應兮聖化
東北二里曰乾明山
廟上有祖師
成職方典在東曰鳳翅山
圖書集成職方典
亦曰龍山
州西六十里
產煤其間爲神屋鎮
明嘉靖壬戌會試表題擬周王得
虞於神屋山以獻王荆石墨

云產從神屋之山並顯神明之靈佑今變城街市馬
來自周王之獻頓覺周益之靈光
六七里為禹西南廟鑿所非皆嶺新封建述田城與
集成職方典資器出禹州神屋山後神廟之興亦久矣不逮
碑元延祐九年重修創建無考則資器之興亦久矣不逮
古鈞瓷遠甚古鈞瓷器在河東水龍水之續而治北
肥村亦有遺跡故不止也
云均密稍具諸色光彩太極大傘河南新改禹州其
器有免絲紋火燄青者博物要覽云均州密有硃砂紅葱
翠青俗名鸚哥綠茄皮紫者紅如臘脂青者葱翠紫若墨
黑三者色純無少變露者為上品底有一二數目字號為
記猪肝色火裏紅青綠錯雜若垂涎色皆三色之燒不足
種葛蒲盆底佳甚如坐墩爐合瓶罐平俱是黃泥沙
水微似製有佳者保不耐用耳方以智通雅云均州有五
色密密變則有之報國寺觀音像也洪湖劉吉士臨陸云

此密變像囊在都下曾一見之莊嚴妙好亦奇蹟也又云
古鈞與均通詩四錄既鈞射禮左右鈞孟子鈞是人也皆
同均義竊按均州或疑為湖北之均今仕籍縉紳許州下
有密器一條蓋許舊為府屬之故也而襄陽下無之是
在豫非荆明甚明萬歷三年以避諱故改名禹州其時鈞
密器載至正嘉間而止考藝衡為萬歷間人其為避諱無
疑劉氏之言信而有徵矣廣州許之衡飲流齋說瓷均
密宋初禹州所造禹州昔號鈞臺鈞訛作均相沿已久胎
質細性堅其體畧重釉具五色渾厚濃潤有免絲紋紅若
胭脂硃砂者為最青若葱翠紫若墨者次之初製者色純
無少變雜後製有紫青相錯如垂涎者皆燒不足之故而
世人往往尊視此種猶之佳硯本不宜有鸚鵡眼而世
反以鸚鵡眼為貴也其釉分兼有紫斑一曰細平釉一曰
皮釉橘皮釉亦屬後起者故兼有紫斑者居多細平釉有
斑者絕少也又云均密之底有一二三四等數目字為識
或謂紅色等器以一二三五七等單數為識青色等器以
四六八等雙數為識此說乃不盡然惟六角花盆必如是
耳餘器則不拘此例又云均密厚而且潤若蠟淚之成堆
惟純色者混而且勻袖中多有蟹爪文無釉之處呈羊肝

禹縣志

卷三

山志

色或芝麻醬色乃真物也偽者釉薄而不勻其色非偏於藍則偏於灰與純正天藍色迥異無釉露胎之處亦不能呈羊肝色縱有之亦是先抹後燒者無釉露胎之處亦不能輒易相混然實大有別也均瓷厚而勻元瓷厚而垂均之胎釉皆細元瓷之胎釉皆粗均之釉無論深淺濃淡皆混然一律元瓷之釉濃處有時或起條文淺處有時仍見水浪又云均瓷之天青色者肆人呼為月白蓋廣之雨過天青也紫釉而無蚯蚓走泥紋者殆不如月白而能瑩潤然人恆往往重紫而輕月白所謂病習者非取又云均瓷之袖捫之甚平而內現粗紋垂垂而直下者謂之淚痕屈曲之甚平而中現藍斑大者謂之霞片小者謂之星點是廣窑之特色也均窑以紫勝廣窑以藍勝又云均紫最濃麗為古今所艷稱初製較濃有類長熟之葡萄後製則近鮮有類開透之玫瑰故有葡萄紫玫瑰紫等名也全器純紫者近已不易一見末葉藍紫相間成垂淚紋如蔚藍水光中泛出片片之紫浪洵異彩也元紫成魚蠅蝶等形釉能深入胎骨故亦可貴至明迄清仿均之品如塗塗附大抵淺紫尚可形似而深紫已渺不可追或則紫中發紅或則紫中發黑殆非正紫矣又云均窑器底有橫鐫數字直鐫

數字上罩以芝麻醬釉者尤為希世之珍又云均窑盃式瘦小名曰蓮子盃全紫者不易一見淚痕者近亦同於拱壁即元明所仿亦殊足珍又云花盆以均窑為最佳其座謂之盆連有圓者有海棠式者有六角者近則折足磨邊亦珍逾拱壁蓋均之可貴極矣均盆與盆連其底必有數目字紅紫者單數青藍者雙數蓋因盆與座取其有識別易於配合不致混亂蓋柄故也朱琰陶說清秘藏均州窑紅若胭脂者為最青若葱翠紫若墨色者次之純而底錄均器仿於宋末即宋初之禹州窑按宋初名陽翟不名禹州也文震亨長物志龍泉窑均州窑之瓶有極大二三尺者以插古梅最相稱凡花瓶用錫膽皆可免冬月凍裂之患陶成記窑變之器有三二為天工一為人巧其由天工者火性幻化天然而成如昔傳屏風變為牀舟冰缶凍為花卉村景朱溫經暑不腐腥物乃世不多觀者也又如均哥本邑釉經燒忽退變他色及成諸物然其所時有者態直名之曰窑變殊數見不鮮耳神屋鎮處亂山中界禹邨問四民雜處陶戶數百家常為盜窺舊駐外委一

員鳳翅山東六里曰崑崙山上有崑崙池一曰玉皇山產

煤其東麓為樓子趙濟眾煤礦公司在焉其南五里曰九

山中州雜俎陽翟記曰九山在縣西南三十五里高不過十丈長三里產礪石水

經注言城西側水有九山祠碑乃唐續亭非是山也禹名

九山暮靄係泛指西北羣山而言見元好問友山亭景有

記其穎亭留別詩所謂九山鬱崢嶸了不受陵跨也藍水

逕崑崙山陰復南折繞其東

踰藍水而東為三峯山之西峯亦曰三封山水經注穎水

故瀆東南逕三封山北是也上有湯王廟小金河出其陰

產煤又東踰董家口為中峯產煤其陰為楊樹園三峯礦

務公司在焉又東踰金山寺口宋畢士安和僧圓益晚歸三峯詩昨朝分路指溪泉

今日憐師寄一篇歸去且看松徑綠重來應見杏花妍風

吹林杪聲初聞日晒牆陰影漸延待得青春夜如晝却煩

相喚詠為東峯產煤圖書集成職方典在州西南二十三

峯屏列翠色迎人名景曰三峯曉青分巡大梁道沈荃丁

詩秋色三峯麗揚鞭指翠屏晴巒迷近遠錦樹雜丹青

吹林間發霜砧野外聽憑高聊放眼髯對山靈其一謾

謾山風起蕭蕭木葉乾詞人揮玉腕候騎簇金鞍谷暝疏

鐘動天空過雁寒高吟猶未倦微月上林端其二閭爾

梅登禹州三峯山示沈繹堂太史詩碧林青嶠翠相參波

瘦沙澄徹底藍七里掛瓢從野外三峯如簋設城南履隨

高下頻移齒杖可支吾省用籃劇得萑荅堪急就餘朔北

許結松龕其一微雲碎剪月明虛香篆葳蕤急就餘朔北

夜烽占鷓鴣雉江東秋瞻想鱸魚平分校尉厨中酒戲曬參

禹縣志

卷三

山志

三

隱暉明秀色遙連憲節平翔鳳嶺前雲錯錦仙茅洞裏風
吹笙題詞暫借黃囊貯泛酒時收籬菊英不羨龍山嘉會
事玉堂聲環山多宋名臣墓晏殊田紹芳田況章得象張
價自高情明崇禎十四年十一月督師孫傳庭勦李自
畫諸公墓在
三峯南北

成前鋒潰於三峯山明史孫傳庭傳但詳邲
縣柿園之戰不及三峯又東踰青龍

口上有青龍泉曰虎頭山又東踰陳口曰金山其陽潭口河出

焉治南十里漆水出其陰上有柿園若金史所謂柿林村也

黃榆店在其南金史移刺蒲阿且行且戰至黃榆店望鈞
州二十五里讀史方輿紀要云在三峯山

西金正大九年正月大雪金完顏合達移刺蒲阿陳和尙

楊沃衍等與蒙古兵戰鈞州潰於三峯卽此處也時謂三

峯之敗元郝經三峯山行朔方善爲幹腹兵豈肯掠地還
攻城北王戰罷馬首回十年大軍不南行西域旣

定殺李王疾雷破柱關中驚鷲鳥匿形深且蟠汴梁不悟
空椎冰小關幸勝未足多舉朝刻日期中興都人盡喜識
者懼俄聞遶出西南路突騎一夜出散關漢江便著皮船
渡襄陽有兵隔岸看鄧州無人渾不顧縱入腹心將安歸
彼騎豈足當吾步脫免一出不可及却兵洛澗符堅誤日
日鏖戰深且艱我師益忙敵亦閒短兵相擊數百里孤窮
轉鬪甲盡殷直向虎穴探虎子旣入重關寧肯還埽境盡
至欲一覩前後百匝相回環就中真人有天命躍馬直上
三峯山黑風吹沙河水竭六合乾坤一片雪萬里投會捲
土來鍊水一池聲勢接丞相舉鞭擗言大事已去吾死
節彥章雖難敵五王并命入敵身與決逆風生塹人自戰
冰滿刀頭凍槍折一敗塗地真可哀鈞臺變作鬻體血二
十萬人皆死國至今白骨生青苔壕塹已平不放箭城門
著礮猶自開大臣壅蔽骨肉疏事急又送曹王來至了不
去誤國賊向非汝南死社稷欲爲靖康不可得元廼賢
三峯山歌并序鈞州陽翟縣南有三峯山昔我睿宗在邸
嘗統兵伐金與其三將完顏合達移刺蒲阿兀兒顏斜烈
等鏖戰山下破其軍三十萬而金亡矣今百餘年樵牧往
往於沙磧中得斷梢遺鏃印章之類至正五年嘉平第二
口予自臨城將上京師道出陽翟夜宿中書郎郭君彥通

私館感父老之言而作歌曰落日慘淡黃雲低懸崖古樹
攢幽溪三峯山頭獨長嘯立馬四顧風淒淒溝邊老翁行
偃僂勸我停驂為君語山前今日耕種場誰識當年戰爭
苦金源昔在貞祐間邊塵四起民凋殘燕京既失汴京破
區區恃此為河山大元太子神且武萬里長驅若風雨鑿
兵大雪三將死流血成河骨成堵宋鸞應瑞黃河清聖人
啟運乾坤寧當時流離別鄉井歸來白髮歌承平曠野天
寒霜斂斂夜靜愁聞山鬼哭至今隴上牧羊兒猶向草根
尋斷鏃論功衛霍名先收黃金鑄印身封侯英雄半死鋒
鏑下何人酌酒澆荒邱王暉許昌道中望三峯山詩大
河失險已無金不待釣臺一雪深十
又東曰柏山治東南十五里
萬選鋒同日死西風吹恨滿遙岑
圖書集成職方典柏山在禹州東
南其峯秀出與三峯山東西相望
上有浮圖勢插雲表乾隆
時知州邵東與大陵陽陵相望潁水出其間水經注曰潁
大業修
水故瀆東逕三封山東南歷大陵西連山是也箕山山脈
至此始盡其麓向西南曰福勝岡乾隆志州南三十里延二十餘里

其下
一名三進岡尾曰呂梁山潭口河經其下

圖書集成職方典塘口河源出

右潁南之山

附城內三山曰棘山

乾隆邵志在今北城女牆內

曰煤山

城中心最高處

曰丹山

城東南隅丹山書院西北

皆童阜故俗有三山

不顯之諺

禹山皆童純石積構少土與水無茂林媚川以為潤色詩
毛傳石山戴土曰祖爾雅曰多大石礪無草木訖皆足以
狀禹山也潁北之山多連屬爾雅謂之嶧潁南之山多孤
獨爾雅謂之蜀潁北之山其脈經短緯長大而薄潁南之

山其脈經緯相等小而厚潁北之山其足伸田多疆礫而
瘠潁南之山其足縮田無疆礫而沃潁北之山少煤鐵其
民食利儉潁南之山多煤鐵其民食利富潁北之山去治
近潁南之山去治遠其大較也禹之爲縣山川盤紆形勢
險固具茨崆峒亘其北大雄大劉峙其西三峯屏其南大
陵環其東潁水入自西北而出於東南以爲襟帶嵩少東
南一隩區也本夏禹之國春秋爲櫟屬鄭戰國韓都周秦
而降元明以上恆爲用武之地西北通鞏洛道遙山其阻
塞也其險一失若屋上建瓴水長驅直入而禹有不守之
憂矣王尋王邑將兵百萬自洛入潁川光武將數千兵徼

之於陽關聚終退昆陽西南通魯邾接三鷗路大劉山其
間道也奇兵若自西南來直拊其背禹之安危未可知也
故金武仙屯留山乘勢以爲進退南通宛襄三峯山其要
害也去城十里與城相表裏金移刺蒲阿完顏合達敗於
黃榆店而鈞州不守知州李冶北走東北通梁鄭陘山其
阨阻也峽隘谷深南北用兵必爭之地蘇秦說楚威王曰
楚北有汾陘之塞魏襄王伐楚敗之陘山東通陳許達江
淮大陵其屏藩也去城二十里其高數十仞若用武之世
屯重兵其上與城爲犄角東方有事城可無虞反之則如
在釜中恐未可高枕也天下有變禹常爲兵衝豈非地形

便利故耶晉張宏肆掠陽翟庾袞率衆保於禹山明季流寇禍豫杞馬之驪尉氏阮漢聞斬于中諸子避亂寓大醜具茨清咸豐同治間皖捻犯禹民咸走山以免潁南潁北至今幾無峯無砦其勢然也方利方害我能往寇亦能往漢光武帝建武九年拜郭伋潁川太守召見辭謁帝勞之曰賢能太守去帝城不遠河潤九里冀京師并蒙福也君雖精於追捕而山道險阨自鬪當一土耳深宜慎之伋到郡招懷山賊陽夏趙宏襄城召吳等數百人皆束手詣伋降東魏滎陽張儉聚衆大醜以叛明季武剛張揚諸寇踵逆鬪之後屠人爲糧暴骨如莽村落爲墟知州僑居密數

歲不見官面四山棘榛虎嘯狐鳴至康熙初猶爲圍場咸豐之世角子山寇王二黨出沒西山北山間官兵追之幾罷山之能爲利害亦明矣西山富煤礦礦戶常數百家礦夫以千計依礦爲生者又倍礦夫之數焉其民去治遠而性悍當承平時橫目之桀好勇疾貧眦睚必報白晝入市殺人神屋文殊店方山白沙諸鎮所習見也諡曰刀客但知朝夕自快而已非敢剽掠爲盜也民國旣建土寇竊發平時刀客化爲盜魁礦夫之不逞者附之大雄小頂龍華接御玉泉佛耳諸山爲逋逃淵藪山谷重阻路徑紛歧西北連登封臨汝西南通郟寶豐魯山皆山縣也五縣之盜

歸之如水就下兵至則入兵去則出東逐則西出西逐則東出久之山民習爲寇所在嘯聚小者數十大者數百以至數千攻砦陷堡畧人劫質號曰打生意良民畏寇保聚山砦而不敢下或舉室遷去其不能居砦與遷室者寇至責其供給鵲巢鳩占弗能抵也寇去而兵至復責其通寇苗莠同隴弗能明也咸豐同治之亂乃客匪旬日輒去今日之亂乃土匪與民雜處來去無時農民故不能終歲閉關委砦而去之反予寇以負嵎之勢又數數然矣西山利過北山而害亦如之北山脈薄勢盡平野只以假道往來未能久據也禹苦寇久矣而山實爲盜媒因熟究其形勢

利害著於篇庶守土者有考焉

禹縣志卷四

水志

禹在漢世為潁川名郡好事者多夸之而於其形勢或考之不審道光朱志兼采顧祖禹讀史方輿紀要及清一統志其說皆誤蓋稽書不如親見也茲為正之並潁外諸河水規水經詳其脈絡復暢言水利以待後世有興焉

潁水出登封縣西少室山東過逍遙嶺至白沙入禹縣界

潁水有三源皆出登封少室山南

山海經曰潁水出少室山地理志曰出陽

城縣陽乾山水經注曰潁水出陽城縣西一出陽乾山

北少室山陽乾山乃少室支麓實一山也南分水嶺東地名水神頭即春秋鄭潁谷水出谷東流

霍峪水注之是爲西源水經注曰右水出陽乾山之穎
谷是也一出當陽山之月灣合後河水至大金店與西
源合是爲中源水經注曰中水導源少室通阜是也一
出少室南溪顧家河西北來注之是爲東源水經注曰
左水出少室南溪東合穎水是也東流過登封縣南寶
豐泉五龍潭太子溝玉皇峽疊石溪諸水合少陽溪水
西北來注之又東至告成西陽城故縣也廬巖寺龍潭
寺諸水合五渡水西北來注之水經注曰石溜滎委湖
者五涉故亦謂之五渡水是也又東過告成石淙河水
北來注之水經注所謂平洛溪水也又東迺石羊關兩

山夾水水經注曰東出陽關是也又東南逕玉翠山馬
峪川水西南來注之又東南至逍遙嶺入禹縣界按清通志
穎水源出登封縣北少室山東南經密縣南殊誤穎水不逕密境也由逍遙嶺下引穎東
南逕嶠山村灌西岸田數十頃

東南三里過白沙堠子溝水西來注之

堠子溝水一名王井水源出五旗山北

鈞陽里九甲

乾隆邵

志曰在白沙西古堠猶存東逕白沙注穎東岸引穎灌
白沙柳村田二頃五十畝又南陳園引穎灌田五十畝
又東南五里過柳村桃園水北來注之

桃園水源出大龍山之海眼

鈞陽里七甲

乾隆邵志曰自大

龍山半崖湧出是也南逕桃園郭砦注潁

又東南五里過張砦楊河水北來注之

楊河水源出蒼翠山之下廟鈞陽里七甲南逕玩花臺柏嘴

新莊注潁其西岸許屯引潁灌田二頃徐莊引潁灌田

四頃

又南七里過花池鎮大溪水西南來注之

大溪水源出三磴山之下龍潭寺鈞陽里九甲寺中有泉一

泓砌以花石泉水上湧流出即大溪也乾隆邵志曰三磴山有上龍潭

下龍潭歲旱禱雨輒應灌田十頃東過花池鎮注潁清康熙二十年知州劉

國儒重修花石邨石橋記曰禹西北接登封界去界二十里有邨曰花石嵩洛通衢行旅之駐足處也村舍晨

星西逼石嶺東臨潁河大溪界其南山水漲發往來花阻隔車溺馬陷時時不免所謂道途之險無踰此也

石鎮北西岸引徐莊渠灌田七頃東岸引潁灌田十頃

曰潁濱渠光緒二年開花池鎮南西岸曰福恆渠灌田三頃

又東南接東岡渠灌田二頃四十畝

又東南七里過荆山至潘家河管水西來注之

管水源出方山西北三古洞鈞陽里九甲南至方山鎮又東

北逕蜂王灣神林店黨砦閭砦注潁南岸引潁灌田三

頃曰潘家河渠其北岸莊頭有二渠一曰莊頭西渠一

曰莊頭東渠共灌田十四頃

又東南八里過康城南

水經注曰潁水歷康城南魏明帝封尚書右僕射衛臻為康鄉侯此即臻封邑也今潁水距康城南三里北岸康城引潁灌田十餘頃杜村引潁灌田八頃其南岸王莊引潁灌田五十畝

又東南五里過羅集南逍遙河天井河及古河北來注之

逍遙河源出崆峒山之逍遙觀東娘娘廟溝

錫章里西九甲

流逕上下兩觀間

圖書集成曰崆峒山前有觀名逍遙盤旋而上懸崖絕壑石澗瀑布淙淙

有聲為一郡之勝

南逕馬溝橫山至李樓會天井河天井河源

出火門山下海眼溝

鈞陽里六甲

南逕龍福寺過孫河懸流

奔壑崩注丈餘其下石潭廣四方步周旋螺形巉巖可

畏其深莫測是曰天井又名龍潭東南至羅集與古河會古河源出橫山南逕盟山廟會天井河統曰羅河又南注潁北岸曰詹家河引潁灌田十頃五十畝

又東四里過陽關聚

漢光武帝遇莽兵處水經注曰潁水東南流經陽關聚聚夾水相對俗謂之東西二土城西土城在羅集東土城在賈漫村南其寺猶曰土城寺北岸下毋引潁灌下毋耿樓田五頃邢莊引潁灌邢莊邊樓田四頃有奇

又東南一里至老官陳村湧水西南來注之

湧水一名谷水源出大雄山東之湧泉河

鎮峯里八甲

自陳

窑東流半里碗溝水自南入焉又東五十步長老庵水自北入焉又東過石門槐欄溝水自南入焉又東一里海眼寺溝水自北入焉又南三里至湧泉始名湧水圖書集成曰湧泉在禹州玲瓏山谷中湧出東流入潁水是也又東二里過土門甯家溝水自北入焉又東出石峽谷十五里至唐莊大柵溝水自南入焉又東過土坡寺前有泉曰龍泉水温又名煖泉水源甚盛人資灌溉湧水至此始大栗樹泉水自西南入焉水出大嘴山一名裏河又東四里至迎水閣圯了溝水自北入焉又東一里過玲瓏堂堂依鞞山石洞嵌空乳泉下滴石皆玲

瓏好事者取供清玩明參政張鯤鞞山書院在焉其南有泉曰黃龍池北流入焉又東二里至核桃灣大澗水自西南入焉水有二源一出牛頭山陰一出龍華山花園至馬坳合流東北逕水磨河口注湧核桃灣北岸引湧曰上游渠灌紙房宋灣新莊田一頃五十畝清光緒三年開又東北七里逕馬莊南岸引湧曰望湧渠灌馬莊田一頃三十畝又東四里逕彭村南北岸引湧灌彭村圯塔砦田二頃三十五畝又東一里過陳岡北南岸引湧灌陳岡田二頃二十畝以上三渠皆清道光二十七年開又東四里逕柳林南沙河水自西南入焉水出翟山五張溝其源曰五

龍泉灌陳岡田百餘畝合黃龍池水注湧北岸引湧曰
龍泉渠灌詹門王莊田四頃三十畝清嘉慶四年開其南岸汪
門引湧曰同德渠自小石橋至梧桐溝灌坡街田一頃
二十畝清光緒二十六年開又東三里逕坡街北南岸引湧灌田
五頃又東五里逕繩李北南岸引湧灌田一頃有奇又
東二里逕馬樓南北岸引湧灌田二頃又東南二里逕
孟垌南北岸引湧灌田二頃有奇以上二渠清咸豐元年開又東北
七里逕谷水河至老官陳村注潁明神宗萬歷四十五
年大梁道曹爾禎引湧水東注城濠灌田無數渠今廢
又東南十里至張莊書堂河西北來注之

書堂河源出書堂山南之石門寺

錫章里八甲

南過書堂廟

陳垌矯圍又東南逕下毋那莊邊樓注潁潁南由龍池

鎮北引潁灌王莊田數頃

又東南四里至沙陀麻地川水西北來注之

水經注曰潁水又逕上棘城西又屈逕其城南春秋左

傳襄公十八年楚師伐鄭城上棘以涉潁者也清一統

志曰在州西北

在今小趙莊俗曰雞鳴城遺址尙存

梁履繩左傳補註云

陽翟上棘城在禹州城南誤麻地川源出縣北大鴻山

錫章里五甲

一出山東阿南過石門至鵝鴿崖又西南逕磨

石灣至李三娘墳前

後漢高祖李后墓

與西源合一出山而阿

南過捨身崖大陽山合東源過八里村

李夢陽左氏墓志稱柘裏金

東張鎮也會大礪泉泉出大礪山下觀音寺西側平地

湧出約方十畝又西南過杏山名廣濟河

曹氏禹州圖以書堂河為

廣濟河誤

清一統志曰麻

地川伏流南踰杏山湧出

入潁謂楊橋水與犢水也

自河莊西引潁灌河莊田數頃

又南一里至十里舖滑濟河西南來注之

水經注曰陽翟縣西有故堰堰石崩瓠頰基尙存舊邊

潁水枝流所出也其故瀆東南逕三封山北今無水渠

中又有泉流出時人謂之峒水東逕三封山東東南歷

大陵西連山卽鈞臺也其水又東南流積水爲陂陂方

十里俗謂之鈞臺陂蓋陂指臺取名也今石堰無存疑

在瓦店東滑濟河源出瓦店南溝

鎮峯里一甲

東過滑濟陂

清一統志曰坡平廣爲大道所經注潁

又東北七里至劉澆犢水北來注之

犢水以巢父名源出杏山東二郎廟溝

錫章里五甲

東南過

明吏部尙書馬文升墓前會靈泉水泉出馬墳東東西

約八十步涓涓細流掘地一尺水卽湧出夏盛冬涸元

靈泉里也其西半里曰聖水泉清一統志曰湫水井世

傳井源與靈泉聖水泉相通乾隆卽志曰州北靈泉里

平地湧出南流入潁水圖書集成湫水井在禹州北靈泉井二井源泉相通又南至湫水廟廟內有水一泓不涸不溢乃湫水井也兩岸皆石水忽下注而墜之潭有聲潏然聞百步外

此上潭也又南至王府樓曰中潭又南至九龍口曰下

潭俗曰小石淙淵深澄澈水色清碧娛人心目俗傳巢

父飲犢處也西崖石穴曰巢父洞東有長石橫出崖半

下作石榭森然幽涼上可坐飲曰巢父琴牀清田昉詩人琴昔已

去巨石當流寒野絃清陳鳴皋詩莫問箕

泛高曲琤琤隨意彈其上曰瓢崖穎人棄瓢棄何處只

看此崖中潑南為牧嶺清康熙雍正間文學周德滋為玉漂漂注

園洞上飲酒賦詩稱盛地焉清趙冬景詩犢之水皓皓乎白雪酌彼澄潭手弄明

月軒冕泥塗萬戶眼眉長嘯歸來中心曠絕犢之水常繞乎園林彼高尚者清風自任予亦棲遲不洗其耳但洗其按水經注巢父飲犢在心又南注潁陽城箕山陰此恐附會

又東南三里至城西禁溝水南來注之

水經注引王隱曰城西有郭奉孝碑側水有九山祠碑

叢柏猶茂北枕川流即禁溝也九山祠在溝東今廢唐

潁亭在是方輿紀要曰潁水或謂之沙河蒙古敗金人

於沙河即州西之潁水殊誤潁水古無沙河名水經注

之沙水金史蒙古由鄧州追金兵敗之沙河進至三郝縣城南養水入汝世謂

峯山金兵大潰沙河當在三峯山南乃汝水非潁水禁圖書集成曰

溝源出村南澗中鎮峯里北過石橋注潁禁溝泉在州

西一里其水甚甘戰國又東北二里至連絡灣引潁東

逕文昌閣灌花園以東田若干頃正在開濬中

又東北二里繞城至清潁橋牛溝水北來注之

清潁橋在北關外清盛朝組詩清流東瀉繞鉤城怒浪三翻激石鳴何必匡廬看瀑布且來

橋上聽一甲牛溝源出胡莊北錫章里南流注潁

又東半里過文昌閣潁溪水北來注之

潁溪俗名賈河源出霸王岡五龍泉錫章里南逕李氏

花園注潁方輿紀要潁水在州北二里殊誤道光朱志附會顧氏謂足徵水道遷徙無常不知潁由

澗中行絕無變遷也

又東一里至城東北隅八里河南來注之

八里河源出三峯山陰之嶠泉文風里水經注所謂潁

故瀆東南逕三峯山北今無水渠中又有泉流出焉時

人謂之嶠水是也環董村店東北逕任坡三官塚至城

西南隅入濠清康熙五十三年知州羅之熊常濬以灌田繞城東北隅注潁

是處有金湯閘今廢

又東一里至濺溝嘴濺溝水東北來注之

濺溝為黑水入潁故道由師家堂南至水泉高又西南

至留侯洞北注潁清乾隆六年知州高鑒濬以溉田今涸今黑水由草堂

師孟坡東注石梁河乾隆邵志清一統志皆言濺溝源出金牛山合聖水泉東流可溉田

當是富溝非濺溝也

又南五十步逕留侯洞

留侯洞在皆崖其上為潁濱經舍西岸曰崔莊清季船埠也潁水古不行舟光緒二十八年知州曹廣權開三峯山煤礦始謀疏潁運煤以達周口惟上游阻沙下游阻橋既購刷沙機器又改修許州臨潁下游橋十餘處先用竹筏載煤梭行明年夏潁運遂通帆檣林集皆崖下巽崖上經舍亭臺相映風景絕佳曹廣權嘗攝小影題其上曰禹州東城外一里許之皆崖俯臨清潁崖腹舊有留侯洞勝地也潁故名川下游經陳許屬地多橋梁不通舟楫歲辛丑余知州事明年三月因崖上留侯祠基建學堂四月開三峯礦務白大吏改鄰境橋十餘處招商轉運就皆崖對岸崔莊關船埠於是始有帆檣往來與學堂亭臺參差相映天然畫圖偶以玻璃取影存其景物後有覽者或將有證於閱四年終以水弱沙阻商船不前三峯斯甲辰夏月識

煤礦亦因運煤周口費重失利而止潁運遂廢

又東南十一里五十里舖小金河西南來注之

小金河一名温家溝源出三峯山西峯之陰曰涼泉

清宋

振寰涼泉記曰禹志云三峯山西峯之陰有泉出自石罅清冽異常掬而飲之涼澈肺腑然滑滑細流僅足濫觴泉之有無何關焉泊牽裾越崖即咫尺而聆之碎碎有聲若洪濤擊撞壅塞抑鬱欲出不得者方詫異之士人告予曰父老相傳下有噴泉口大於甕斯時下無溝渠四溢漉漫道途多梗謀以鐵釜數重覆之又砌以巨石今出自石罅者不滿百之一耳余聞而悟曰高山之下必有噴泉三峯雖小實祖大雄大雄祖嵩少考禹登之間無甚巨源至三峯而欲洩之土人之言有謂也苟利而導之俾居民沾灌溉之益是乃守土者之責也夫其北有虎溪出楊店東澗又有龍潭出薛莊南南流匯焉東逕太平庵明戶部侍郎任洛西溪書院在焉庵東有韓奕平

墓又東北過梁北至南關又東至卓君廟注穎

又東南十四里至褚河鋪名褚河

褚河即穎河因地而異名乾隆邵志曰以褚姓所居得名漢書所謂郡大姓褚氏是也 清一統志誤以石梁

河為褚河

其言曰褚河亦名褚河源出禹州西北山谷中東南流經許州東

按當作西又東經襄城縣北又東經臨潁縣合潁河又東流入石梁河源出縣陳州府西華界按所指河道實石梁河

北具茨山在潁水東北中阻大陵岡與潁水無涉 清

一統志又誤以石梁河為潁水分流在潁之南而褚河

別為一源又在石梁河之南

其言曰通志云褚河即潁河舊志又云褚當作渚水之歧出者也今以輿圖考之石梁河實潁水分流在潁之南而褚河別為一源又在石梁河之南流至臨潁始

受潁水與潁水判不相涉通志舊志皆誤潁南別無河流僅一淞水似又誤

以淞水為褚河清通志更誤以汝河為褚河

其言曰又東南有褚

河自汝州經襄城臨潁縣來會按所指河道實汝水臨潁距禹東南一百二十里為潁水經過處豈倒流來會

乎齊名南入淮巨川編沿清一統志之誤謂渚河別自

為水經州南至臨潁西南入潁小方壺齋地輿叢鈔無

名氏山川考謂潁水東流經禹州鄭州至襄城縣為渚

河知渚河為潁水異名而云鄭州至襄城縣則誤也

詳後

又東南七里至白垆中義河北來注之

以中義橋名源出大陵岡之何莊

鎮定里二甲

南流逕河灣

陳莊至白垆注潁

又東南六里至溝張延溪水東北來注之

延溪或云即東義河源出大陵岡之黃莊鎮定里南流

逕新集又西南過薛莊注潁

又東南四里至化莊東義河北來注之

以東義橋名源出許昌之泉店南入禹界逕王連莊至化渡口注潁

又東南八里過郝臺寺入許昌縣界

潁水上下無分流清一統志曰潁水自登封縣流入州

北又東流分爲二一東南流俗曰石梁河石梁河別爲一水詳前並

見後具則是誤以潁水爲石梁河也一東逕新鄭縣南

入許州界新鄭距禹東北九十里中阻大陵岡則是誤

以潁水爲潁水也清通志曰潁水逕禹州北分二派一

東北流經新鄭長葛縣過許州至臨潁縣一東南流經

襄城縣過許州至臨潁而合誤與一統志同齊召南入

淮巨川編亦然又明一統志曰潁水東逕鄭州至襄城

縣爲渚河東魏武定七年改潁州爲鄭州鄭州距禹北

一百八十里潁水無由逕鄭州也

烏水源出縣西玉泉山西之烏雞泉義讓里一名五德泉

爲藍水別源乾隆邵志清一邵志稱出夾龍山蓋玉泉

山異名也東北過接御山陰至文殊店藍陽書院在焉

又南至銀河鎮又東過禹山陰至塢頭爐烏鯽河北來入焉又南過角子山東至澗頭河宋陳恬隱居處所謂澗上村也百子澗水東來入焉源出三峯山西峯之陰地名謝水勢湍急如奔馬因名馬泉俗曰倒流河烏水砦溝又南過三峯山至法融寺藍水西北來入焉水經注曰藍水出陽翟縣重嶺山今名牛頭山乾隆邵志清一源統志名趙家河源出山南庫房溝東逕乾明山陰至翟村會小青河其源曰黑龍池又東逕崑崙山陰至樓子趙又南至鴻暢石板河西來入焉源出崑崙山南來至洞溝懸崖絕壁飛瀑奔流下注深潭東北注藍水又南至法融寺與烏水

合南入郟縣過塚頭注汝

騶虞河源出縣西南大劉山陰槐樹凹其泉二曰黃龍池

黑龍池

文風里五甲

東至神屋明永樂二年獲騶虞處因以

名水又南過大劉山至蹉劉坡入郟縣界

灰河源出縣西南張樓

文風里九甲

東南至五口趙入郟縣界

南柳河卽呂梁河有二源東源出縣南小金山南阿馬棚

坡禮臨里四甲

曰東柳河西源出縣南三峯山南阿凹郭

萬柏

里三

曰西柳河南至新莊合流又西南過呂梁山淵然

渟泓明如萬丈玻璃曰呂梁江又名潭口河明參議王則古別業在焉其詩所謂呂梁潭水靜波塘也又南過

大呂鎮分流一南逕潭口至卜吉營西名福勝河入邨

縣界一東南逕趙莊引水東至柴莊及萬里馬又南逕

馬乾莊引水東至謝莊又南過卜吉營東入襄城縣界

其大呂鎮南又有丁字渠下通柴莊舊灌田凡百頃創

自明景泰時知州鄭珪萬歷四十五年大梁道曹爾禎

重濬今廢

澗河一名清華河源出縣南孟坡

禮臨里九甲

南流環鈞陽宮

至閭岩入襄城縣界

涂水俗名小泥河源出縣南小金山陰胡坡軍張

禮臨里二甲

東逕杜岡寺又東南過駱駝灣

乾隆邵志曰相傳韓國牧駝處

至黃岡

店入襄城縣界下經臨潁郟城界名土壩河光緒七年

潁水南決于灣注入名渚河郟城志稱土壩河發源於

禹州之范坡卽是水也范坡當卽胡坡

倒流河源出縣東孝山之石人岡晉褚裒祖墓石人尙存

故名鎮定里九甲北流逕凹裏廟岡胡至張澗店北入石梁

河

孝水源出縣東孝山孫溝鎮定里九甲以漢黃香墓名一名七

女泉北流逕七仙廟至黃臺俗名黃臺漫流明李從龍漫流河石

橋記畧曰黃臺側曰七女塚有泉四涓涓而出自南又

北注石梁河方輿紀要引寰宇記曰七女岡下有七女泉流至長葛人相誤

富溝水源出縣東孝山富溝

鎮定里十甲

魏書地形志曰黃臺

有葛溝水當卽富溝水東北入許昌界注石梁河

水經注曰

皇陂水出西北皇臺七女岡北東南流逕胡泉城北按胡泉城爲今泉店又未知卽其水否

黑水源出縣北杏山東

錫章里五甲

張翁澗

卽今回子溝按羅集亦稱張翁澗與

國寺之碑皆稱澗上當爲西張此張翁澗以東張鎮證之當爲東張故下游有張澗店也東南逕蔡

寺至牛蹄山山下有泉曰白鹿泉又南至六盤山陰又

東過瑟河會岳溝水至孟坡又東逕郭連北至山貨廠

注石梁河

清一統志稱東南流合潁水蓋指濺溝故道言

白水源出縣北鵝鴿厓

錫章里五甲

東南過引吾橋至皇古堆

其下有泉曰黃龍泉又東南逕龍屯舖至武莊會黑水

注石梁河

紅水源出縣北劉山窰溝

錫章里三甲

南至山連又東過紅溝

魏書地形志曰陽翟有赤沙澗疑卽紅溝也

乾隆邵志疑爲小紅

河按小紅河在紫金里魏屬黃臺縣非陽翟地

又東南逕獅子口至山貨廠注

石梁河

具茨河源出縣北具茨山南卽風后頂俗曰茨河

錫章里三甲

石梁河正源也至新砦名環山圍尉氏劉氏別業也土

門溝及灰坡砦溝水西來入焉又東至月灣又東南過

靈山至瓮廂舖韓雍氏城史記楚圍雍氏是也又東南

至山貨廠

圖書集成曰石梁河宋名石塘河漕運許州一帶之輿達於汴京

北宋山貨

下船處也會黑水紅水東入許昌縣界為石梁河

圖書集成

曰石梁河源出密縣山谷中至趙化寺前匯為黑白二龍潭其深莫測東流至禹州郭連里逕石固砦殊誤密縣趙化寺乃洧水源與禹州郭連里阻具茨山脈相距八十里是誤以洧源為石梁源方輿紀要曰石梁河出密縣西南山谷中經禹州北境達許州誤與圖書集成同又通鑑輯覽元兵敗金師於沙河注沙河在禹州東北道光朱志以具茨河為沙河皆妄說也沙河為汝河詳見潁水下

白龍潭源出縣東北傘蓋山白馬寺

紫金里九甲

南過黃山又

東南至姚店入長葛縣界合小紅河

小紅河源出縣東北明山九龍口

紫金里十甲

東南逕後營邴

王店過紫金山入長葛縣界注溷水

圖書集成曰小洪河源出紫荆山明

流十里伏流十里接紫荆山即紫金山非正源也

暖泉河源出縣東北暖泉觀

紫金里八甲

平地出泉水温凡五

潭西北曰網包潭正西曰凉水潭北曰三角潭又北曰

葫蘆潭皆東南匯於大潭東流過水磨河鎮入長葛縣

界明萬歷四十五年大梁道曹爾禎始引泉灌田清乾

隆二年知州章琦重濬光緒三十年知州曹廣權復濬

泉源安開開渠二道鎮西曰義成渠鎮東曰東南渠中

華民國元年鎮南民開一渠曰新渠其義成渠上游曰

董氏義渠

曹廣權重濬暖泉新開二渠記曰光緒三十年八月紫金里八甲水磨河鎮董事呈報新

開寨外東南渠功竣前開列義捐渠地各戶李芳蘭韓聖謨韓新古韓聖評韓清魁王玉張中秋張文炳王恭趙嚴其捐小地六分一厘八毫七絲三忽約計長三百二十弓濶三尺業已成渠引水恐日久湮廢請立石示

禁等因查本年修濬暖泉源所有三角潭面積八分五釐網包潭面積四分八釐五毫涼水潭面積一分大潭面積三畝三釐七毫葫蘆潭面積六分一毫應悉照面積弓丈認真歲修不得淤塞侵佔其下游於長葛交界處所應由禹境照舊安開專司啟閉務使上游節節水泉足用多開水田葛境不得專執此次新開寨外東南渠若干弓尺並前新開寨西義成渠長一百五十弓濶三尺均應隨時挑淤濬深永禁侵毀所出淤土築填塍路其潭渠邊岸密插柳樁以防坍塌柳條時伐高限一尺免蔽田禾已由本州通申各衙門存案茲據前因除義成渠已經董事立碑合行一體勒石垂示其前後樂捐渠地十五戶均屬急公好義深堪嘉尚嗣後查照立案辦法俾潭渠日濬日深水田愈開愈廣東西兩渠並成美利勿稍淤毀廢棄前功有犯必懲其各傳誠諭我村衆昭示來茲知禹州事曹廣權書石立於暖泉觀灌田六頃有奇

糊刀泉縣南觀耜園西

文風里一甲

明太師馬文升致仕明農

處泉出平疇其廣丈餘淵然靜深不涸不溢洩出為小

溪東注觀耜園園資灌溉者數十家俗名糊刀泉

道光

朱志曰相傳漢高祖糊刀於此有泉出焉蓋荒渺無稽不足據

清嘉慶時馬時芳易其

名曰平泉

靈泉縣西南崑崙山頂出靈泉寺佛座下

圖書集成曰在神屋山頂今文

風里

五甲 卽崑崙池

清馬淑詩高座浮空穩通泉湍殿寒瀑

搖佛倒看甘露禱輒應定有法龍蟠

青龍泉縣南三峯山東青龍廟口

萬柏里八甲

龍泉乾隆邵志曰州東元穆村西南

鎮定里二甲

今名白龍池

瓦礫泉乾隆邵志曰州西四十五里瓦礫岡下按卽水泉

砦

馬跑泉縣西玉泉山上義讓里九甲圖書集成曰在州東北四十里世傳漢光武駐兵於此馬跑地得泉謂在州東北誤方輿紀要亦然

潁水入自西北出於東南四山之水皆委之故古曰潁川凡禹之水潁爲大潁次之次藍水次暖泉次柳河又次犢水皆恆流也其他或夏盛而冬涸或源巨而流微或始見而終伏或岸高而谷狹禹山盡童無森林以爲節潏夏秋大雨時行洪流激浪民患漂沒冬春無雨幾同瀚海戈壁大率在山有水出山無水其故不在水弱而在礫壓前知州曹廣權繪禹州圖印諸日本日人某氏言禹西北多山

宜鑿橫井其說甚創卒無試者司馬遷曰太上因之其次利導之其次整齊之苟師其意以治水固不患無水也原夫水利不外二事曰行舟曰溉田潁水沙底流滯無常古不行舟不病水淺而病沙滯沙故不可以猝去也光緒二十八年三月知州曹廣權既開三峯煤礦始謀開潁運藉運煤棧行以疏之剗剗沙之機禹人江蘇試用道方碩輔亦購刷沙機器運禹教民用法又舟行之難也上游阻沙下游阻橋自禹至周家口不下六七十座其小者則商之鄰縣改設木梁惟許州繁城之橋形巨勢固大石所竺乃改其橋式撤其邊孔易石以木製如山東運河橋梁作法

舟至上之舟去下之繪圖仿造賴以無阻其稟上憲文曰
水一道即古潁川發源登封縣少室山自西北鄉白沙鎮
入境經州城北東南流三百餘里以達周口查同治十二
三年間奉前撫憲錢通飭興辦水利前州牧宮回勳暨前
署州顧令恩培先後稟請挑修潁川自城東關下至許境
之繁城鎮並造大小三號船隻游行探試以下游橋梁梗
阻因而中止嗣於光緒六年前署州馬令駿清續因商民
公懇自許境小繁城以下入臨潁縣之杜曲王曲兩橋及
臨潁縣城接壤之小商橋擬請將橋柱拆修以便行舟而
利商賈又據轉詳前撫涂及水利局經委閻守慶華履勘
具稟據陳小商橋孔僅高四尺餘斷非船行可過志載該
橋建自隋初開皇四年嗣經元時修理一次工料堅厚且
係驛路實難折修兩岸形勢亦無可折修從河繞舟出橋
之處請於小商橋南北兩寨設立過載行棧以便上下游
船隻行抵橋邊在此卸載分投駛行其杜曲王曲兩橋雖
為東西往來車道尚可折去一孔改用木板隨時支掣無
碍舟車來往並面詢該處紳耆王瑞張殿卿等均一概樂
從等因旋經奉文催辦亦祇以三屬互相觀望未能將拾
商設行修橋堵口各事實在趕緊舉行以致日久廢擱延

至於今卑職伏查卑州商業頗重藥材一項為入貨之大
宗神屋碗缸為出貨之大宗其餘文風萬柏禮臨三里之
石塊與各處石灰磚瓦亦歲出甚多徒以上游不利行舟
須繞陸路經襄城出螺灣河或由長葛許州一帶以達周
口故運脚甚貴銷路不暢商情既多抑鬱貧民生業亦復
無聊今擬集股大開煤礦將來礦產若旺銷路尤當預籌
若援照光緒六年閻守慶華所議辦法於許州繁城鎮橋折
去橋柱二根於臨潁縣之王曲杜曲兩橋折去一孔改用
木板隨時支掣於臨潁縣城接壤之小商橋兩岸設立過
載行棧如此在上游可擇用竹筒及小秋船駕試裝載或
一二千斤或三四千斤喫水不過一尺許詢據土人僉云
雖係平常小水筒船儘可暢行計省運脚十分之六不獨
卑州境內民商藉資利益即許潁一帶百貨流通較前繁
盛當更有加况將來煤礦暢銷關繫尤大理由合仰懇大帥
伏賜札委幹員查勘並分飭許州臨潁鄆城一體會商無
分畛域免致彼此牽掣動多窒碍之處統候批示祇遵實
便為公初議於臨潁鄆城界之小商橋設過載行棧及沿岸

光緒七年額水改修城橋之議人疏詳于壩河亦

名渚河經繞小商橋西南數十里始折歸舊道陵谷變遷

適湊機宜其議遂止其襄城許州臨潁郟城西華各州縣

境內低矮石橋有碍舟行者一律改修先用竹牌載煤梭

行明年夏潁運遂通其稟改修潁河橋梁招徠商船裝煤

銷路稟蒙委員安令瀾會同許臨郟西各州縣將碍舟橋

梁一律折通改修完竣稟報在案惟此次修橋工費原估

錢一千三四百串上下嗣因秋雨連綿潁水漲發人力難

施工費較多總計用錢一千七百八十二串九百文除商

捐一干串外其許州臨潁原認各捐錢一百串文均留作

許潁挖河經費實不敷錢七百八十二串九百文均係卑

職捐廉發給現已招徠商舟上駛就便裝煤下至周口銷

售查卑州之洋貨雜貨商販向皆由漢口溯襄河至賒店

鎮復改行陸運至禹三百餘里近聞改由火車至信陽又

僱小車至禹亦六百餘里藥材茯苓商販則自商固用竹

牌裝載由三河尖汝甯府一帶入淇河至郟城之五溝營

起岸僱車轉運至禹二百七十餘里皆屬轉運艱難脚價

昂貴現經卑職諭令茯苓藥商由三河尖繞正陽關至周

口又諭令雜貨洋貨商由上海附江輪至鎮江換船由正

陽關至周口該商人或以多經釐卡恐有不便為疑當命

通盤計算以陸路運脚之費抵所增之釐贏餘尚多該商

人均已曉然分頭遞信廣為招致去後卑職隨即刊刷告

白專丁分往商固一帶暨三河尖漢口周口各處張貼俾

知商船到此有煤裝運不致回空並緘告各處地方官委

員託其傳諭茲據蔣家集釐局委員任令玉田三河尖委

員曹令和濟周家口陳州分府陳倬壽樟覆緘稱已傳諭

各商及鱗船各戶均尚樂從等因卑職廣權又於九月十

八日派委友至周口自僱對船四隻於二十六日裝載雜

貨上駛以開先路約會商船同行並移知許州潁郟西各

州縣照料以期初次舟行順利不使商情疑阻庶水路通

暢將來公司煤餉銷場自廣惟事屬創行能否商情踴躍

牌船雲集實在未敢逆料卑職惟有勉竭愚慮實力籌劃

不敢敷衍塞責有初鮮終仰負委任一俟商船上駛裝煤

下運如果事機順手確有把握擬於周口及卑州東關設

立煤船廠派友經理用行妥議章程稟報所有招徠商船

裝煤運銷大概情形暨用過修橋工費理合開具清單稟

出 縣 志

請鑿核商船來往初亦順利嗣以夏月水漲壞船頗多商情

畏阻京漢路成洋貨雜貨皆棄水就陸闕四年穎運又廢

禹引渠溉田載邵志者曰中義河曰八里河曰塘口河曰

焦村河曰福勝河曰南柳河明景泰時知州鄭珪濬治當

時民多利之明萬曆四十五年分巡大梁道曹爾禎始開

湧水呂梁暖泉諸水溉田無數而湧水溉治西田三十里

當郡城南再溝而東步四千會於穎溉靡以頃計復引湧

支流注之城壕溝塍刻鏤原隰龍鱗遂開穎川未有之利

於是禹之水大治鄆陵梁克從大梁監司曹使君河渠記曰禹舊無監司設自萬曆庚子始禹人

始亦無舟楫泛之自丙辰始禹隍舊隘且涸鑿之自丁巳

都秦置其地為潁川郡韓魏接壤居天下中當南北孔道

大梁提韓魏而控之稱腹心重地云主上念之從重臣設

鈴閣命臬憲以觀兵於禹丁卯歲余同榜純原曹使君實

監臨之飭綱振紀肅守令詰兵戎奉璽書惟謹會連歲飛

蝗徧野赤地無青使君痛切瀝涕亟令捕之已而多方以

賑起瘠以萬計其飭僚備戎政驅飛蝗也郵無麾突夜無

盜警物無反時則亦惟是能修抹故然而非常之功不朽

之績不與焉禹環山四圍磽瘠潁水且奔其中曷苦焦焚

水病湍悍往往付嘉禾於馮夷旱魃之手以是為故常莫

可人力有語之蓄洩法胥笑而却走耳至汙邪颺婁咸胥

不登則相率為溝中瘠如嚮者蝗蝻之禍可鑿也使君爰

檄所部咸修水利其在潁川命工履郡四鄙而相之某某

泉可濬某某流可疏東北有泉囊頽流而東夙可灌稻者

畝以萬公折之而南計長數里度可灌田若干頃則暖泉

之為也西南有渠曩逆流而西夙可灌田若干頃則大呂使

旁鑿之而東計長數十里度可灌田若干頃則公使

也直西有水曩北達潁滎漫衍難以溉者也公穿而東之

里三十當郡城南再溝而東步四千會於潁灌靡以頃計

矣則谷水之為也官可築壩補其老所部鑿者亦稱是

又引谷水之為也官可築壩補其老所部鑿者亦稱是

木爲舟以汎焉池既鑿尤念樓楯卑隘守陴者不足以望
烽煙乃崇麗譙而望之良辰節景月夕花時高士具壺觴
而游詠其中憑欄而眺之叠嶂如屏長河如帶錯花成繡
遊人前者呼後者應覽者歌登者眺亦潁川曠古之奇觀
也且其爲隄爲防爲閘爲梁又製器爲漕引者爲車轆者
爲械溢者爲笕湧者於是可豬可洩可旱可澇可田可圃
可遊可觀嚮潁川未有之利而使君創導之矣昔蜀守李
冰鑿離堆洙水害穿二江城都中渠皆可行舟有餘則用
溉百姓饗其利蜀人迄今尸祝之不衰鄴令西門豹有令
名魏襄王與羣臣飲酒祝其爲人也史起曰鄴之田惡漳
水在其旁豹不知用是不智也知而不興是不仁也仁智
豹未之盡何足法也於是史起爲鄴令穿十二渠引漳
水灌鄴田河南強富而民歌之從古守令之困民而利國
如此然此皆守令事耳使君監司也敕法紀振官常修武
備以不親民事尊者也且今之居尊官食厚糈優逸嘯詠
積日月視官闕爲傳舍耳烏用是亟計田疇事而痾瘵之
視爲况使君以世祿成進士亦烏諸閭閻疾苦狀乃昕夕
鑷擱而畫區田親工而督水器履畝而事圖鑄憂勞不遑
甯處也者以此知公之仁以爲質愛溢於天也初禹人聞
公之有事也始而駭繼而疑已而導水入田則桔槔失潤

登舟覽勝則魚鳥親人變瀉鹵爲淤肥涿涸墮而舟楫今
而後喜可知也故曰非常之原黎民懼焉及臻厥成晏如
也西門豹所云難震始而樂成其是之謂乎古今稱治水
者思神禹其明德萬世食之鈞臺禹封也使君蒞止而創
河渠其有禹功之思乎語云治人之子善裘弓人之子善
箕言業之有素也使君之先中丞以治水起名譽秉節鉞
使君繼之以康阜聖明腹心之區世德作求此之謂乎是
役也創於歲丙辰成於歲戊午余姻友連孝廉奉使君教
最久得使君誼最深乃狗與人請徵余言碑其事使君功
才成梗概監司不任錢穀每苦經費不足以竟其施茲祝
釐行正值奏最計當九遷而禹人有倦倦借寇之恩倘一
人福錫大梁遷君久任乃功德更溥耳會郡侯莫君以神
宰厘帝簡一麾卧治禹精敏明作克 農業與戶口爲消長
副使君意緒有開鑿記以俟君子

者也戶口衆則農治戶口耗則農傲河渠須歲時修治爲
間不用則淤塞矣明季遭流寇之亂人盡逃亡田盡荒蕪

爾禎所開諸渠悉廢

按朱志建置志稱萬曆四十五年巡
道曹爾禎於龍池築廟障潁水使南

流僅至南壕後壩決水歸故道崇禎八年議引谷水入城濠流至龍池東滲入地中不能達濠似曹爾禎所開渠不廢矣久即清初民漸復業河渠以次修治朱志所載渠道凡十

三在文風里者一道自三峯山至東十里鋪入潁水在萬柏里者凡五道一自凹郭至老官營入郟縣界一自七娘廟至柴莊入襄城界一自萬里馬至柴莊入襄城界一自謝莊入襄城界一自三峯山至老官營入郟縣界在禮林里者凡四道一自三里橋至楚莊入襄城界一自九里橋至楚莊入襄城界一自小金山至楚莊入襄城界一自小金山至老官營入郟縣界在義讓里者一道自焦寨至三官塚入城濠康熙五十三年羅之熊濬在鎮定里者一道

自琅城岡至牛王廟入潁乾隆四年知州章琦濬在紫金里者一道自西山坡至濺溝入潁乾隆六年知州高鑒濬其後諸渠皆涸惟義讓里一渠尙資灌溉其效又微而潁水湧水煖泉之利特著潁水上游流急下游谷深古無爲溉田計者魏棗祗鄧艾之徒大興潁川水利在禹未之有聞道光間浙人潘甲詹乙遊禹相潁水遠近傾斜之度知可以治水田也以善價購順店之北羅集之南沿潁荒地數頃築堰通渠用以種稻收穫數倍竹樹蔭翳流水小橋夏秋稻香荷潤風景絕似江南遠近呼曰潘家河詹家河沿潁居民健羨之由是潁水上游始利水田矣自白沙至

沙陀幾五十里額頰歲有開鑿溝渠密佈惟種麥梁借一
概之力栽稻只三頃四十畝歲收二百二十石有奇湧水
卽谷水其上游自煖泉至孟洞幾四十里額湧之田成資
權溉築堰引水自乾隆間至光緒時水無遺利種稻九頃
九十畝歲收五百四十石有奇其他麥梁稱是下游曹爾
禎所引谷水以灌治西之田舊跡終湮未有復也東北煖
泉自曹爾禎開渠清初湮塞乾隆二年知州章琦濬之光
緒三十年知州曹廣權重濬泉眼新開二渠詳前水磨河
寨西曰義成渠寨東南曰東南渠灌稻八頃歲收六百四
十石概種藥蔬麥梁無數既刊碑永禁侵毀復繪具圖說

呈請立案

其文曰竊農田以水利爲要鄉愚安常習故甚或各爲其私往往自遺其利查卑州紫金里八

甲劉莊地方舊有暖泉源一道下游流入長葛境其委頗
長因源頭年久淤塞附近田主恐侵壞田塍不欲開濬以
致漸淤漸涸去冬與長葛縣朱令會哨談及擬共勸諭鄉
農集資開濬隨傳諭紳董妥議開辦今春該甲水磨河村
民以劉莊有張李二姓教民不願開源率衆阻攔等情具
稟當卽親詣該處勘驗並反覆勸導面諭以泉源濬深湧
流日旺左近旱田皆可開渠引水多成稻田藥圃菜畦蓮
塘若干頃收穫之利較豐卽雨澤不時亦可藉以灌溉高
田其利自溥如所開泉眼應佔地畝若干飭清書中保文
量明白先行栽插柳椿爲記按所開弓丈若干照現在水
田值價每畝三十串扣算給價不得勒抑再所插柳椿將
來長活根深盤結亦無兩岸坍塌之虞惟應隨時破伐不
得高過一尺以免遮蔽田禾其上游潭口擬劉莊石橋處
所安閘一道遇有啟閉修補事宜合同劉莊水磨河兩村
紳民經理其水磨河下游與長葛交界處所現已於水磨
河寨北照舊安閘由禹州境專司啟閉務使上游節節水
泉足用源流通暢長葛亦可多開水田人已兩利一併濬
泉開渠一切工竣卽將所有辦法通稟立案及移知長葛

以免日後兩境爭水之患當據兩村人民及各教民均同聲稱便即擇期開工一面出示曉諭並錄示移知朱令去後旋據該村首事董建章等稟報於三月二十日將暖泉修竣開列各潭舊積四畝三分七釐五毫新濬淤塞共佔地六分九釐八毫應給地價錢三十串一百六十五文均已清訖計現在三角潭面積八分五釐網包潭面積四分八釐五毫涼水潭面積一分大潭面積三畝五釐七毫葫蘆潭面積六分一毫等情到州又據李名英等稟報於五月內趁各割麥事畢在水磨河西寨外遵諭開新渠一道南北長一百五弓東西濶三尺該地係張居仁趙嚴寬張鑑張居義張居德五人公同樂捐村人因名之曰義成渠已可引水達於路南舊溝並撰有碑記呈案卑職親驗無異該首事等現又於水磨河寨外東南角亦開新渠一道於六月十五日開工計長三百二十弓濶三尺不日可報工竣此次濬泉開渠設閘一切費用皆由該甲紳董自行集資鳩工辦理統計二渠引水灌溉約新開水田四五頃之譜卑職遂將前歲所造龍骨水車發交該村收用飭令仿造除將各潭面積及一切辦法詳細勒碑俾垂久遠外理合將卑州修濬暖泉及新開二渠安閘啟閉各情形中並繪具圖說稟呈大人鑒核俯賜批示立案實為公便 中

華民國元年寨南開渠曰新渠義成渠上游開一渠曰葦

氏義渠十七年由大潭向南復開一渠暖泉之利始溥焉

水麻地川其源在山如屋上建瓴近日居民始引水升岸

灌田但山田如梯其利未能遠也潁水流急利治水磨宋

已有之宋李廌治潁川水磨蘇過作詩戲之云君不見相

詈誰令奔走事口舌不學周人營什二李侯平生無一屬

只有便便五經笥儒冠半世已誤身老欲歸耕無耒耜近

聞潁川有瀑布確磨能窮谿谷利釀渠鑿石激清流機動

輪旋人力易今年麥熟春雨足車載斗量應有備勿嫌巾

袂編紛紛飽看溪渠鳴蒞蒞堆盤坐想雪如山夢中已覺

錢流地待君結廬秋風初我欲叩門來上瑞起搜湯餅掃

飛羅轆釜操刃定中饋千金何必羨鴟夷少有屬

磨而巳矣稽康好銀季主卜達人未免茲游戲

磨香末輪出境外潘甲詹乙既治水田又造水碾水碓也

水無有也犢水烏水間有水磨禹故山國陸田多而水田
少歲歲苦旱明歸有光志歸椿墓謂椿善治田而歎任事
者難其人若曹爾禎曹廣權諸公福禹之績甚巨而潘甲
詹乙豈非歸椿之徒世之所須也因條列沿革興廢之跡
可考者著於篇

